



CONSELLERÍA DO MEDIO RURAL

SECCIÓN 13

I. ESTRUCTURA ORGÁNICA E COMPETENCIAS

I.1. ESTRUCTURA ORGÁNICA

A Estructura Orgánica da Consellería do Medio Rural foi establecida polo Decreto 318/2009, do 4 de xuño, publicado no Diario Oficial de Galicia nº 114 de data 12 de xuño, nos seguintes órganos:

- I. O conselleiro/a.
- II. A Secretaría Xeral.
- III. Dirección Xeral de Producción Agropecuaria.
- IV. Dirección Xeral de Desenvolvemento Rural.
- V. Dirección Xeral de Innovación e Industrias Agrarias e Forestais.
- VI. Dirección Xeral de Montes.
- VII. Dirección Xeral de Conservación da Natureza.
- VIII. Departamentos territoriais.
- IX. Órganos colexiados.

I.2. COMPETENCIAS

I.2.1. DA CONSELLERÍA

O artigo 30.1.3 do Estatuto de Autonomía para Galicia dispón que lle corresponde á Comunidade Autónoma galega "nos termos do disposto nos artigos 38, 131 e 149.1.11 e 13 da Constitución, a competencia exclusiva da agricultura e a gandería", e así mesmo "a competencia exclusiva das vías pecuarias e pastos, sen prexuízo do disposto no artigo 149.1.23 da Constitución; o réxime das fundacións de interese galego; das cámaras agrarias, sen prexuízo do que dispón o artigo 149 da Constitución".

Por outra banda, o Estatuto de Autonomía de Galicia dispón que lle corresponde á Comunidade Autónoma galega a competencia exclusiva nas seguintes materias:

Montes, aproveitamentos forestais e naturais, sen prexuízo do disposto no artigo 149.1.23 da Constitución (art. 27, apartado 10).

Caza e pesca fluvial (art. 27, apartado 15).

Normas adicionais sobre protección do medio ambiente, nos termos do artigo 149.1.23 da

Constitución (art. 27, apartado 30).

Asemade, Galicia asumiu a competencia exclusiva en materia de cooperativas en virtude da transferencia feita pola Lei orgánica 16/1995, do 27 de decembro, ampliando a recollida no artigo 28.7 do Estatuto de Autonomía de Galicia.

Recentemente realizouse a transferencia do Parque Nacional das Illas Atlánticas a través do Real decreto 1082/2008, de 30 de xuño, ampliación das funcións e servizos da Administración do Estado traspasados a Comunidade Autónoma de Galicia, en materia de conservación de la natureza.

Indícanse a continuación as competencias de cada órgano no que se estrutura a consellería:

I. O conselleiro/a.

É a superior autoridade da consellería e con tal carácter está investido das atribucións que lle confire o artigo 34 da Lei 1/1983, do 22 de febreiro, de normas reguladoras da Xunta e a súa Presidencia.

II. A Secretaría Xeral.

A Secretaría Xeral exercerá as competencias e funcións establecidas no Decreto 119/1982, do 5 de outubro, e todas aquelas que lle sexan encomendadas pola persoa titular da consellería.

III. Dirección Xeral de Producción Agropecuaria.

Correspóndelle á Dirección Xeral de Producción Agropecuaria a elaboración, a proposta e o desenvolvemento das directrices de política agraria da consellería en materia de ordenación, fomento e mellora da produción agrogandeira, incluíndo a resolución dos procedementos relativos á xestión da cota láctea; de protección e control da sanidade animal e vexetal; de formación, promoción e fomento do asociacionismo agrogandeiro, e a elaboración, a proposta e o desenvolvemento das directrices da política agraria en materia de mellora da estrutura das explotacións agrarias.

IV. Dirección Xeral de Desenvolvemento Rural.

Correspóndelle a elaboración, proposta e desenvolvemento das actuacións de fomento do desenvolvemento socioeconómico do territorio rural galego, da dinamización das áreas rurais de Galicia, da formulación de iniciativas e programas de desenvolvemento das zonas rurais e da execución das accións que contribúan á diversificación económica no medio rural, sen prexuízo das funcións atribuídas pola Lei 5/2000, do 28 de decembro, á Axencia Galega de Desenvolvemento Rural. Así mesmo, realizará as funcións de coordinación e xestión do Plan de Desenvolvemento Comarcal e a proposta de configuración das distintas comarcas nas cales se divide o territorio da Comunidade Autónoma de Galicia. Correspóndelle, ademais, a elaboración, a proposta e o

desenvolvemento das directrices da política agraria en materia de mellora e modernización das infraestruturas rurais e do medio rural, mobilidade de terras agrarias e xestión de zonas regables.

V. Dirección Xeral de Innovación e Industrias Agrarias e Forestais.

Correspóndenlle a elaboración, proposta e desenvolvemento das directrices de política agraria da consellería en materia de industrias agroalimentarias; de promoción e defensa da calidade dos produtos agroalimentarios galegos e recoñecemento e vixilancia das denominacións de calidade. Así mesmo, correspóndenlle as competencias e funcións atribuídas á consellería en materia de industrialización e comercialización de produtos forestais. Igualmente, correspóndenlle as funcións de programación, coordinación e impulso da investigación, a innovación tecnolóxica e a formación no sector agrícola, gandeiro, forestal e agroalimentario galego; propiciar e facilitar a transferencia e a adopción dos resultados da investigación sen prexuízo das competencias atribuídas neste decreto ao Centro de Investigación Forestal de Lourizán; elevar o nivel tecnolóxico dos sectores produtivos a través de programas de formación e transferencia de tecnoloxía; a realización de programas formativos dirixidos ao persoal dependente da consellería que melloren o seu coñecemento técnico no eido agroforestal.

VI. Dirección Xeral de Montes.

Exercerá as competencias e funcións atribuídas á consellería en materia da ordenación, fomento e mellora da produción forestal, así como as medidas de prevención e loita contra os incendios forestais.

VII. Dirección Xeral de Conservación da Natureza.

A Dirección Xeral de Conservación da Natureza exercerá as competencias e funcións atribuídas á consellería en materia de conservación, protección, uso sustentable, mellora e restauración do patrimonio natural e da biodiversidade de Galicia e dos seus elementos etnográficos e a súa preservación para as xeracións futuras; o fomento de medidas de desenvolvemento socioeconómico dos espazos naturais protexidos; a ordenación, conservación, protección, fomento e o aproveitamento sustentable dos recursos cinexéticos e piscícolas nas augas continentais; a divulgación dos valores do patrimonio natural; a xestión dos hábitats naturais, da flora e fauna silvestres, das paisaxes naturais e dos elementos singulares da xea da Comunidade Autónoma galega, así como o desenvolvemento e dinamización do uso público e recreativo do medio natural; a promoción da defensa integral da natureza e dos elementos que a compoñen; a conservación específica dos espazos que compoñen a Rede Galega de Espazos Protexidos e da Rede Natura 2000 de Galicia ou doutras zonas de alto valor ambiental, sen prexuízo das competencias atribuídas a outros órganos desta consellería.

VIII. Departamentos territoriais.

Para o exercicio das súas competencias, a Consellería do Medio Rural organízase nos departamentos territoriais da Coruña, Lugo, Ourense e Pontevedra, que desenvolverán as súas

funcións no ámbito territorial provincial respectivo, sen prexuízo das funcións de coordinación do exercicio das competencias que asume cada delegación no seu correspondente ámbito territorial de acordo co disposto no artigo 2 do Decreto 245/2009, do 30 de abril.

IX. Órganos colexiados.

Adscribíense á Consellería do Medio Rural os seguintes órganos colexiados:

Xurados provinciais de montes veciñais en man común.

Comités territoriais de montes.

Consello forestal de Galicia.

Consello agrario galego.

Comité galego de pesca fluvial.

Comités provinciais de pesca fluvial.

Comité galego de caza.

Comités provinciais de caza.

I.2.2. DOS ORGANISMOS AUTÓNOMOS

FONDO GALEGO DE GARANTÍA AGRARIA (Fogga)

Foi creado pola Lei 7/1994, do 29 de decembro, baixo o nome de Instituto Lácteo e Gandeiro de Galicia, coa finalidade de executar as políticas referentes á aplicación das medidas de ordenación, fomento, reestruturación e mellora do sector lácteo e gandeiro, levando a cabo as accións necesarias para a aplicación na comunidade autónoma da Política Agraria Común (PAC) e para o funcionamento das distintas organizacións comúns dos mercados.

No ano 2003, por disposición incluída na Lei de medidas fiscais e de réxime administrativo, modificou a súa denominación pasando a chamarse Fondo Galego de Garantía Agraria (Fogga).

I.2.3. DAS SOCIEDADES PÚBLICAS

DOS ENTES PÚBLICOS

AXENCIA GALEGA DE DESENVOLVEMENTO RURAL

Agader creouse no ano 2000 pola disposición adicional 6ª da Lei 5/2000, do 28 de decembro, de medidas fiscais e de réxime orzamentario e administrativo (DOG nº 25 I, do 29 de

decembro) baixo a dependencia da Consellería de Economía e Facenda e na actualidade está adscrita á Consellería do Medio Rural.

Segundo a anterior lei, a axencia será o instrumento básico de actuación da Xunta de Galicia no fomento e na coordinación do desenvolvemento do territorio rural galego, para mellorar as condicións de vida e evitar o despoboamento dese territorio.

INSTITUTO GALEGO DE CALIDADE ALIMENTARIA

O Ingacal foi creado pola Lei 2/2005, do 18 de febreiro, de promoción e defensa da calidade alimentaria galega.

De acordo coa lei de creación, o Ingacal será o instrumento básico de actuación da Xunta de Galicia en materia de promoción e protección da calidade diferencial dos produtos alimentarios galegos acollidos aos distintos indicativos de calidade.

Así mesmo, será obxecto do instituto a investigación e o desenvolvemento tecnolóxico no sector alimentario.

DAS SOCIEDADES MERCANTÍS

SOCIEDADE ANÓNIMA XESTORA DO BANCO DE TERRAS DE GALICIA, S.A.

Foi creada pola Lei 7/2007, do 21 de maio, de medidas administrativas e tributarias para a conservación da superficie agraria útil e do Banco de Terras de Galicia.

Segundo a anterior lei a sociedade Bantegal, como medio propio instrumental e servizo técnico da Administración da comunidade autónoma, ten como obxectivo principal a xestión dos bens e dos dereitos incorporados ao Banco de Terras de Galicia, e está obrigada a realizar os traballos que se lle encomenden, nas materias que constitúan o seu obxecto social e, especialmente, nas que sexan urxentes ou se lle ordenen como consecuencia de situacións de emerxencia.

EMPRESA PÚBLICA DE SERVIZOS AGRARIOS GALEGOS, S.A.

Seaga é unha sociedade pública, creada mediante o Decreto 260/2006, do 28 de decembro, para a realización, como medio propio da Administración galega, e ao seu servizo, de todo tipo de actuacións, obras, traballos e prestación de servizos en materias forestais, especialmente as relacionadas coa prevención e loita contra os incendios forestais en particular e, en xeral, intervencións de carácter urxente relacionadas cos lumes forestais.

XENÉTICA FONTAO, S.A.

O obxecto social da sociedade anónima Xenética Fontao, S.A., de acordo co Decreto 265/1997, do 18 de setembro, é a prestación de asesoramento e servizos ás persoas tanto

físicas como xurídicas e organizacións adicadas á mellora xenética animal. A través do Decreto 237/1998, do 30 de xullo, fóronlle adscritos os bens e dereitos que integran o Centro de Escolma e Reprodución Animal de Fontao-Lugo.

SOCIEDADE ANÓNIMA PARA O DESENVOLVEMENTO COMARCAL DE GALICIA

A Sociedade Anónima para o Desenvolvemento Comarcal de Galicia ten como obxecto social a promoción e desenvolvemento das comarcas galegas, así como a xestión do Sistema de Información Territorial de Galicia, encargado da produción de cartografía e a creación de Sistemas de Información Xeográfica aplicados á planificación e ao desenvolvemento rural.

1.2.4. DAS FUNDACIÓNS

CENTRO TECNOLÓXICO DA CARNE

A Fundación Centro Tecnolóxico da Carne é unha fundación de interese galego, sen ánimo de lucro, dependente da Consellería do Medio Rural, constituída ao abeiro do artigo 34, apartado primeiro, da Constitución Española, provista co C.I.F.: G-32.273.427 e inscrita no Rexistro Público de Fundacións de Interese Galego, o 5 de novembro de 2003, número de inscrición: 2003/28, sita no Parque Tecnolóxico de Galicia, na Avenida Galicia, num. 4, Código Postal: 32900, San Cibrao das Viñas, provincia de Ourense.

A fundación ten entre un dos seus fins o desenvolvemento tecnolóxico das empresas galegas relacionadas co sector cármico en todos os seus eidos de actividade e en todas as cabanas existentes.

II. PRINCIPAIS LIÑAS DE ACCIÓN

II.1. DA CONSELLERÍA

A Consellería do Medio Rural ten como principio fundamental de acción a de contribuír a que as zonas rurais e os sectores agrario, gandeiro e forestal participen do progreso social e económico, reducindo as desigualdades entre os territorios, que os sectores primarios se adopen ao contexto dunha economía máis global e competitiva, que produzan alimentos sans, que contribúan á loita contra o cambio climático, todo iso en harmonía coa conservación do medio ambiente e dos nosos espazos naturais.

As liñas básicas de acción da consellería centraranse na mellora da calidade de vida e a diversificación económica nas zonas rurais, como medio para frear o despoboamento e o envellecemento da poboación; na conservación da natureza e a biodiversidade, en harmonía coas actividades humanas; na mellora da renda agraria; na garantía de produción de alimentos sans e seguros; na mellora da transformación e a comercialización dos produtos; na innovación tecnolóxica; e na valorización do monte. As políticas de conservación da natureza intégranse na Consellería do Medio Rural, posto que moito do que queremos conservar hoxe é o resultado da racionalidade no uso e no aproveitamento dos recursos levados a cabo por persoas que desenvolven a súa actividade no medio rural. Non se pode deseñar as estratexias de conservación sen ter en conta as políticas sectoriais que conflúen sobre o territorio e moi especialmente as de desenvolvemento rural.

As prioridades da Consellería do Medio Rural para o ano 2011 son, por tanto, e sen prexuízo do seu detalle nos concretos programas de gasto, as seguintes:

1. A mellora da calidade de vida no medio rural, para o que se incidirá na mellora dos servizos básicos, incluídos a mellora das comunicacións terrestres e telemáticas.
2. Os espazos Naturais Protexidos e a Rede Natura 2000 nos que se concentrará o esforzo de conservación, conscientes do papel que estes territorios teñen non só na conservación senón na posta en valor e nas novas oportunidades de emprego e riqueza.
3. Un obxectivo constante de adaptación a un contexto nacional e internacional cada vez máis competitivo é o da mellora da competitividade das explotacións agrarias e gandeiras, mediante a redución dos custos de produción, a elevación das garantías sanitarias e de calidade dos produtos, a incorporación de novas tecnoloxías e a diversificación da produción. Para iso, fomentárase o rexuvenecemento do sector coa incorporación de xóvenes ás actividades agrarias, gandeiras e forestais, así como o apoio aos investimentos mediante plans de mellora das explotacións agrarias.
4. O fomento do dimensionamento cooperativo e do asociacionismo agrario como ferramenta para acadar unha maior competitividade das producións mediante cooperativas e outras entidades asociativas ben dimensionadas e da utilización da maquinaria común.
5. O mantemento dos procesos axeitados para mellorar, consolidar e soste os niveis sanitarios das explotacións gandeiras e controlar a calidade e a seguridade das producións.

6. A xestión dos seguros agrarios como ferramenta eficaz de protección dos agricultores e gandeiros contra as adversidades metereolóxicas e outros fenómenos alleos ao seu control que poidan causar perdas nas súas explotacións.
7. O fomento e mellora da transformación e da comercialización dos produtos, como medio para gañar valor engadido nas producións, identificando ao produto galego como sinónimo de produto de calidade, a través do apoio ás denominacións e indicacións de calidade.
8. As actuacións dirixidas á mellora da formación, á investigación agraria e a innovación tecnolóxica, como base para a diversificación e o aumento da eficiencia e calidade dos sistemas da produción nos sectores agrario, gandeiro e forestal, con actuacións dirixidas a proxectos de investigación aplicada, relacionadas coa innovación e a mellora das producións forestais.
9. A valoración e unha correcta xestión do monte en todas as súas funcionalidades e producións, dentro do contexto da loita contra o cambio climático. Dentro dun plan de fomento da produción forestal, estableceranse medidas para a mellora e o aumento da produción dos materiais forestais de reprodución; para o control e seguimento do estado de saúde e vitalidade dos ecosistemas forestais; para a consolidación de masas de alta produtividade forestal; para o fomento da aplicación de modelos silvícolas dirixidos á obtención de madeira de serra en quendas máis longas; para a consolidación e expansión de rexenerados naturais de frondosas; e para a recuperación do potencial forestal afectado. Ademais do aproveitamento madeireiro, fomentaranse as producións alternativas do monte, como o aproveitamento enerxético da biomasa forestal, o fomento da produción de castañas, cogomelos e outros froitos do monte, así como a creación de áreas silvopastorís. Tamén se impulsará a creación e mellora de empresas de aproveitamentos forestais e o fomento da certificación forestal.
10. En canto á política de prevención e defensa contra os incendios forestais: para a redución do número de lumes, estableceranse os plans de investigación policial e forestal, co fin de definir as zonas e os riscos e desenvolveranse as campañas de educación forestal, sensibilización social e divulgación.

No marco do plan preventivo potenciaranse as infraestruturas defensivas e no de extinción aplicaranse as últimas tecnoloxías en materia de defensa contra os incendios, cos sistemas de detección e avaliación de incendios dende medios aéreos, a utilización de sistemas dixitais de radiocomunicación e a incorporación de modelos de predición do comportamento do lume.

1. A conservación da biodiversidade como expresión da preservación da vida silvestre, así como a protección dos animais domésticos e salvaxes en cativeiro. Tamén están as necesidades relativas a aplicación de políticas preventivas, funcións de policía e vixilancia, control e prevención de impactos no medio natural; así como a promoción e ordenación do aproveitamento das especies da fauna cinxética e da piscícola nas augas continentais, asegurando unha xestión sostible das mesmas.
2. A divulgación, a información, a educación e sensibilización ambiental, constituirán outro elemento de fomento de cara a garantir a participación pública no contexto do dereito constitucional de disfrutar dun medio axeitado.
3. A recuperación e incremento da superficie agraria útil (SAU) e a mobilización das superficies

agrarias infrautilizadas, en estado de abandono.

4. O fomento da agricultura multifuncional e sustentable: os obxectivos que se perseguen son o apoio á conservación da biodiversidade, o fomento de métodos de produción compatibles coa protección do contorno e a remuneración das funcións territoriais, sociais e ambientais da actividade agraria.
5. O apoio ás rendas dos agricultores e agricultoras. A través da xestión das axudas directas da PAC e a súa mellora para garantir o pagamento dos incentivos económicos de apoio directo ao sector, mellorando a xestión dos dereitos de axuda.
6. Enfoque Leader: durante o 2011 continuarase co desenvolvemento do Programa Leader Galicia 2007-2013 cos traballos para o financiamento dos proxectos dos grupos de desenvolvemento rural.
7. A xestión do potencial vitícola: aplicación da reforma da OCM vitivinícola e o do programa de apoio ao sector, poñendo énfase na política de reestruturación e reconversión do viñado para favorecer as producións de calidade con denominación de orixe, a correcta xestión do potencial vitícola priorizando a recuperación das superficies abandonadas, e a promoción dos viños galegos das distintas denominacións de orixe no mercado.
8. As accións dirixidas á mellora da formación e investigación agrarias: a mellora da formación permanente dos agricultores e técnicos agrarios, profundizando tanto nas ensinanzas regradas como ocupacionais, e potenciando o asesoramento e transferencia tecnolóxica por parte dos servizos da consellería dun xeito máis próximo e directo ás explotacións agrarias.
9. O desenvolvemento dos programas de información e formación profesional regrada e continua, incluída a divulgación de coñecementos científicos e prácticas innovadoras de persoas que traballan no sector agrícola, alimentario e forestal, que incorporan medidas específicas formativas en materia de benestar animal, seguridade nos traballos agroforestais e formación continua do persoal que traballa no dispositivo de prevención e extinción de incendios forestais da consellería.
10. As políticas dirixidas ás mulleres rurais: o papel das mulleres seguirase potenciando como protagonistas do tecido produtivo e social galego, á redución das desigualdades e a facilitación e a plena integración das mulleres en todas as actuacións de desenvolvemento rural mellorando a súa situación e o seu contorno social, laboral e económico.
11. A reorganización dos instrumentos de xestión no eido do desenvolvemento rural. Continuarase co proceso de racionalización da estrutura comarcal dedicada ao desenvolvemento rural, cunha vocación cara ao impulso da economía produtiva nas zonas rurais.
12. O impulso na simplificación e modernización administrativa. O achegamento, a transparencia e a colaboración da administración cara os agricultores, prestando especial atención á introdución das tecnoloxías de información e comunicación dos procedementos administrativos para axilizar a tramitación das solicitudes que dirixan á Consellería do Medio Rural ou ás entidades dependentes da mesma, coa implantación da tramitación electrónica no marco do proxecto xeral da Xunta de Galicia.

II.2. DOS ORGANISMOS AUTÓNOMOS

FONDO GALEGO DE GARANTÍA AGRARIA (Fogga)

Este organismo ten como obxectivos para o ano 2011 a xestión eficaz no pagamento dos fondos europeos dirixidos ao sector agrario galego e procurar unha mellora das rendas dos agricultores galegos, desenvolvendo as seguintes principais actuacións:

1. Desenvolver as funcións inherentes á súa condición de organismo pagador dos fondos europeos agrarios FEAGA e FEADER, pagando e contabilizando os importes das axudas con cargo aos citados fondos, e exercendo as demais funcións de coordinación, comunicación, auditoras, e outras conexas que lle corresponden como organismo pagador.
2. O desenvolvemento da xestión das axudas da PAC en Galicia, tendo en conta o novo marco derivado da reforma da PAC aprobada en 2003. A tal fin, logo da implantación e xestión dos primeiros anos do réxime de pagamento único, seguirá a executar as accións necesarias para a concesión dos pagamentos previstos no devandito réxime e outras axudas, primas gandeiras e restitucións con cargo á Política Agraria Común.
3. O pagamento e contabilización das actuacións incluídas no Programa de Desenvolvemento Rural 2007-2013, financiadas polo Fondo Europeo Agrario de Desenvolvemento Rural (FEADER), para as que a xestión corresponde a outros órganos da Consellaría do Medio Rural.
4. O pagamento e contabilización, en tanto que organismo pagador, das medidas relativas á apicultura e reestruturación do viñado financiadas polo FEAGA.
5. Efectuar as operacións en réxime de intervención e regulación de mercados por conta do FEAGA, entradas, saídas e almacenamento das mercadorías, de acordo coas instrucións ditadas segundo a xestión encomendada polo Fondo Español de Garantía Agraria (FEGA).
6. Realizar accións destinadas a mellorar as producións gandeiras e fortalecer con iso a puxanza do sector cárnico e lácteo galego no contexto estatal e europeo, tales como apoiar ás sociedades públicas participadas polo Fogga que operan no sector agropecuario.
7. Xestión e pagamento de axudas a agricultores en zonas desfavorecidas.
8. Concesións de axudas derivadas do contrato de explotación sustentable: medidas agroambientais e de benestar animal

II.3. DAS SOCIEDADES PÚBLICAS

II.3.1. DOS ENTES PÚBLICOS

AXENCIA GALEGA DE DESENVOLVEMENTO RURAL (Agader)

A Axencia Galega de Desenvolvemento Rural (Agader), foi creada pola disposición adicional sexta da Lei 5/2000, do 28 de decembro, de medidas fiscais e de réxime orzamentario e administrativo, configurándose como un instrumento para o fomento e coordinación do desenvolvemento no territorio rural galego para mellorar as condicións de vida e evitar o despo-

boamento dese territorio. Entre as funcións atribuídas destacan a elaboración de estratexias e plans integrados de coordinación de actuacións de diversa natureza no medio rural e a difusión das políticas e medidas de desenvolvemento rural, a dinamización e coordinación dos grupos de desenvolvemento rural.

Xa que logo, a acción da axencia, que tamén conta como obxectivos os de contribuír de forma eficaz á diversificación económica, á modernización do tecido produtivo rural, e a mellora da calidade de vida e nese marco, desenvolverá as seguintes actuacións:

1. A xestión, control e seguimento dos programas con enfoque Leader, centrándose durante o ano 2010 as accións de Agader en acadar un nivel axeitado de execución do Programa Leader 2007-2013, despois da posta a punto dos mecanismos de implementación.
2. Aplicación de programas de apoio a iniciativas de desenvolvemento rural, executados directamente por Agader:

2.1 Convocatoria de axudas a proxectos a desenvolver nas áreas rurais de Galicia e implementación das novas medidas que Agader executará directamente dentro do programa de desenvolvemento rural 2007-2013.

2.2 Estudo, impulso e execución, se é caso, de investimentos directos cara á implantación ou mellora de servizos básicos para a economía e a poboación rural, así como de convenios con axentes socioeconómicos públicos e privados do medio rural, destinados á posta en marcha de plans e accións específicas destinados á dinamización económica e a mellora da calidade de vida no medio rural.

Neste senso, no marco do Plan Director da Banda Larga e en colaboración coa Secretaría Xeral de Modernización e Innovación Tecnolóxica, contéplanse actuacións en materia de infraestruturas e máis equipamentos de rede de banda larga, para achegar as novas tecnoloxías ao medio rural.

2.3 Coordinación das actuacións recollidas nos plans de zona redactados e executados ao abeiro da Lei 45/2007, de desenvolvemento sostible do medio rural e do Programa de desenvolvemento rural sostible 2010-2014.

2.4 Premios Agader ás iniciativas de desenvolvemento rural.

INSTITUTO GALEGO DE CALIDADE ALIMENTARIA

O Instituto Galego da Calidade Alimentaria (Ingacal), foi creado pola Lei 2/2005, do 18 de febreiro, de promoción e defensa da calidade alimentaria galega, e o seu regulamento foi aprobado polo Decreto 259/2006, do 28 de decembro (DOG nº 13, do 18 de xaneiro de 2007).

O Ingacal, de acordo co establecido no artigo 31 da Lei 2/2005, configúrase como un ente de dereito público dos previstos no artigo 12.1.b) do texto refundido da Lei de réxime financeiro e orzamentario de Galicia, aprobado polo Decreto lexislativo 1/1999, do 7 de outubro. Dito

ente ten por tanto personalidade xurídica propia e por lei ten que adecuar a súa actividade ao ordenamento xurídico privado, atopándose polo tanto encadrada dentro da clasificación de sociedades públicas da comunidade autónoma.

Segundo o Decreto 259/2006 o Ingacal ten entre outras a misión de coordinar os centros de investigación da Consellería do Medio Rural (Centro de Investigacións Agrarias de Mabegondo e a Estación de Viticultura e Enoloxía de Galicia), as estacións a eles adscritas e o Laboratorio Agrario e Fitopatolóxico de Galicia. Na súa actuación desenvolverá actividades de I+D+i nos sectores agrario, gandeiro e forestal, dentro das competencias atribuídas á Consellería do Medio Rural, sen prexuízo das competencias atribuídas ao Centro de Investigación Forestal de Lourizán.

O Plan Estratéxico Galicia 2010-2014, horizonte 2020, sinala como unha das principais necesidades do sector produtivo rexional a de reforzar e facer uso de novas ideas e innovacións. Actuacións fundamentais neste sentido no eido agroalimentario serán o apoio ao investimento en I+D, a integración da I+D no sistema formativo, o impulso da transferencia de tecnoloxía, e o fomento da innovación empresarial.

A potenciación das actividades de investigación e transferencia tecnolóxica no eido agroalimentario, xunto co fomento e posta en valor dos produtos alimentarios galegos cunha calidade diferenciada a través de denominacións xeográficas de calidade: denominacións de orixe ou indicacións xeográficas protexidas, e outras figuras de protección da calidade como os produtos da artesanía alimentaria, a agricultura ecolóxica ou a produción integrada serán actuacións clave da consellería para contribuír á consecución dos obxectivos de valorización das producións e do medio rural.

O Ingacal ten encomendada a función de control e a certificación das producións elaboradas polas novas denominacións de orixe e indicacións xeográficas que se están a crear, da artesanía alimentaria de Galicia, así como servir de apoio das xa existentes que o soliciten. Para iso conta cun Departamento de Protección da Calidade Diferencial que será o encargado de desenvolver esas tarefas de control e certificación e que colaborará na posta en marcha de novas denominacións de orixe e indicacións xeográficas.

En materia de investigación, fíxanse como obxectivos o plantexamento e a execución de proxectos de investigación aplicada no marco definido polo Plan Galego de Investigación, Desenvolvemento e Innovación Tecnolóxica, os plans estatais e internacionais correspondentes. Así mesmo colaborar coas actividades de transferencia de tecnoloxía, formación e divulgación realizadas pola consellería.

O obxectivo final deste programa é favorecer o desenvolvemento do sector agrícola, gandeiro, forestal e agroalimentario galegos, garantindo os mais altos estándares de calidade e seguridade alimentaria, e utilizando a I+D+i como vía para impulsar a innovación nas empresas do sector que permita o aproveitamento da gran diversidade e potencial do agro galego.

Así mesmo outro obxectivo estratéxico é o fomento das producións de calidade diferen-

ciada, para iso o Ingacal prestará os seus servizos a aqueles consellos reguladores que polo seu pequeno tamaño e escasos recursos económicos non poden realizar o control e a certificación da súa produción, ou ocuparse da súa xestión e secretaría.

Entre as actuacións programadas para o ano 2011 salientanse as seguintes:

1. Elaboración dun Plan Estratéxico de Investigación do Ingacal para o período 2011-2015, no que se prestará especial atención a colaboración coas empresas, cooperativas e consellos reguladores do sector agroalimentario galego.
2. Redacción e realización de proxectos de investigación no marco definido polo Plan Galego de Investigación, Desenvolvemento e Innovación Tecnolóxica, para os plans estatais e internacionais correspondentes.
3. Colaboración nas actividades de transferencia de tecnoloxía, formación e divulgación realizadas pola Consellería de Medio Rural.
4. Xestión do proxecto INTERREG IV B -SUDOE "WINETech: novas tecnoloxías en viticultura e elaboración do viño" co obxectivo de promover a innovación e a constitución de redes estables de cooperación en materia tecnolóxica no sector vitivinícola.
5. Programa de mellora das infraestruturas de apoio á investigación dos centros da Consellería do Medio Rural, mediante o programa de renovación e adecuación das súas instalacións.
6. Programa de mellora da operatividade dos centros e laboratorios sinalados en canto a dotación de maquinaria, instrumental científico-tecnolóxico e a calidade das tecnoloxías de información e comunicación dos mesmos facilitando a súa conexión en rede.
7. Inicio do proceso de acreditación por ENAC do Ingacal na norma 45011.
8. Desenvolvemento dun sistema de xestión da información no Departamento de Protección da Calidade Diferencial.
9. Durante o ano 2011 o Ingacal prestará servizos de xestión e control e certificación da calidade aos consellos reguladores de Faba de Lourenzán, Castaña de Galicia, Pemento de Herbón, Pemento do Couto, Tarta de Santiago, Pan de Cea, Grelos de Galicia e Mel de Galicia. Así mesmo o instituto certificara a produción dos tres Viños da Terra (Betanzos, Barbanza-Iria e Val do Miño-Ourense).
10. Prevese durante o ano o inicio da prestación de servizos de xestión e control e certificación da produción as novas IXP de Pemento de Amoia e Pemento de Oímbra. Ademais algúns consellos reguladores actualmente en funcionamento, unha vez aprobadas as modificacións dos seus regulamentos, delegarán no Ingacal o control e certificación dos seus produtos diferenciados (Augardentes e Licores de Galicia, Lacón Galego e as DOPs de Arzúa-Ulloa, Cebreiro e San Simón).
11. Durante o ano 2011 a Consellería do Medio Rural prevé aprobar o decreto que regula o artesanía alimentaria que permitirá contar cun cadro normativo que sirva para protexer e promover a elaboración, manipulación e transformación de produtos alimentarios por produtores que garantan un produto individualizado e de calidade, particularmente a elaboración de produtos caseiros permitindo o seu acceso aos mercados. O control e certificación

desta nova figura será realizado polo Ingacal.

II.3.2. DAS SOCIEDADES MERCANTÍLS

SOCIEDADE ANÓNIMA XESTORA DO BANCO DE TERRAS DE GALICIA, S.A.

A Sociedade Anónima Xestora do Banco de Terras de Galicia, Bantegal, ten como obxectivo principal a xestión dos bens e dos dereitos incorporados ao Banco de Terras de Galicia, a través dos réximes de adxudicación establecidos na Lei 7/2007, do 21 de maio, de medidas administrativas e tributarias para a conservación da superficie agraria útil e do Banco de Terras de Galicia.

No marco da reorganización prevista, tendo en conta o coñecemento adquirido logo da experiencia acadada nestes anos os obxectivos do Bantegal para o 2011 son:

Valorizar os recursos produtivos básicos mediante a conservación e utilización da superficie agraria, base para o desenvolvemento do sector agrogandeiro, clave en Galicia e mobilizar as terras como medida dinamizadora da economía son obxectivos que xustifican o emprego racional dos recursos orzamentarios para o ano 2011.

A relevancia do sector primario en Galicia e a súa situación actual, evidencia a necesidade de reducir os custes de produción para acadar a competitividade, algo que terá que pasar, entre outras cousas, polo redimensionamento da base territorial das explotacións.

Neste contexto, os obxectivos estratéxicos da S.A. Xestora Bantegal, e en consonancia tamén cos seus estatutos, concréntanse fundamentalmente en:

1. Facilitar e continuar coas actividades que permitan o redimensionamento das explotacións agrarias.
2. Xestión da incorporación de predios ao Banco de Terras de Galicia para o seu arrendamento a explotacións agrogandeiras existentes ou de nova creación, así como velar pola conservación do seu contorno ecolóxico e integridade patrimonial.
3. Mellora da planificación e actuacións tendentes a identificar, a superficie agraria apta para as explotacións agrogandeiras.

A consecución destes obxectivos estratéxicos leva aparelada unha serie de actividades:

1. Realización das tramitacións necesarias para a incorporación de predios ao Banco de Terras de Galicia facilitando ás explotacións agrarias o seu arrendamento e uso.
2. Mantemento dunha relación permanentemente actualizada de todos aqueles inmobles e dereitos que se integren no Banco de Terras de Galicia.
3. Realización das tramitacións necesarias para a mobilización produtiva por medio da cesión a agricultores dos predios integrantes do Banco de Terras de Galicia.
4. Continuar cos estudos territoriais necesarios de caracterización da oferta e da demanda

potencial de terras, construíndo para elo os indicadores, variables e bases de datos necesarios.

5. Realización das tarefas de inspección e control físico e documental en defensa da conservación e integridade dos bens incorporados ao banco de terras.
6. Procurar un maior coñecemento do Banco de Terras de Galicia e das súas actividades mediante a divulgación e dinamización.
7. Desenvolver o SITEGAL (Sistema de Información de Terras de Galicia) para mellorar a eficiencia do Bantegal e a eficacia das súas actividades.

SOCIEDADE ANÓNIMA PARA O DESENVOLVEMENTO COMARCAL DE GALICIA

A Sociedade Anónima para o Desenvolvemento Comarcal de Galicia é unha empresa de capital público que ten como obxecto social a promoción e desenvolvemento das comarcas galegas, así como a xestión do Sistema de Información Territorial de Galicia, encargado da produción de cartografía e a creación de Sistemas de Información Xeográfica (SIX) aplicados á planificación e ao desenvolvemento rural que ten acadado nos últimos anos unha posición de referencia no relativo á produción de cartografía en Galicia e ao desenvolvemento de sistemas de información xeográfica tanto para a Consellaría do Medio Rural como para outros departamentos da Administración autonómica.

Para o cumprimento dos seus fins a sociedade conta cun total de 17 centros de desenvolvemento comarcal en funcionamento. Estes centros constitúen unha infraestrutura descentralizada de apoio ás accións de desenvolvemento rural realizadas tanto desde a propia sociedade como desde outros departamentos con competencia na materia, especialmente as diversas direccións xerais da Consellería do Medio Rural.

De cara o 2011 e tendo en conta, que o Parlamento aprobou en decembro de 2008 a Lei 12/2008, que pretende unha reestruturación que vai racionalizar os instrumentos de xestión comarcal e desenvolvemento rural, regulando a disolución da Sociedade de Desenvolvemento Comarcal e a integración das súas unidades noutras sociedades ou entes públicos da Administración autonómica, a sociedade, incluída no proceso de reorganización dos instrumentos de xestión no eido do desenvolvemento rural centrará a súa actividade naquelas accións como un instrumento de dinamización económica e social das áreas rurais. Deste xeito, con carácter xeral, a sociedade atenderá a:

1. A participación en convocatorias de axudas a proxectos, que teñan como obxectivo a dinamización do medio rural en colaboración cos departamentos da Xunta de Galicia con competencias na materia.
2. A planificación e execución de programas relacionados co medio rural.
As actuacións a desenvolver pola sociedade son as seguintes:
 1. Xestión e explotación do SITGA como centro de produción cartográfica e de aplicación dos sistemas de información xeográfica ao desenvolvemento e a xestión do territorio.

2. Mantemento do servidor de cartografía do SITGA como nodo principal da infraestrutura de datos espaciais de Galicia (IDEG): <http://sitga.xunta.es>.
3. Posta a disposición das entidades públicas e privadas dos produtos cartográficos e SIX xestionados polo SITGA: potenciación da comercialización de datos en novos formatos.
4. Execución do Proxecto Toponimia de Galicia e mantemento da súa páxina web: <http://toponimia.xunta.es>.
5. Desenvolvemento e actualización do Plan Nacional de Ocupación do Solo (SIOSE) e do Plan Nacional de Ortofotografía Aérea (PNOA), con especial atención a súa adecuación ás necesidades diferenciais de Galicia.
6. Xestión do Plan Nacional de Teledetección (PNT) en Galicia mediante a subscripción á base de datos de imaxes de satélite do plan.
7. Colaboración coa Sociedade Anónima Xestora Bantegal na xestión e desenvolvemento de aplicacións SIX sobre xestión de predios rústicos.
8. Soporte técnico da Comisión de Coordinación de Sistemas de información Xeográfica e Cartografía.
9. Realización dos controis de calidade da cartografía de Galicia.
10. Reforzamento da campaña de difusión entre as entidades sociais das comarcas sobre as posibilidades do uso dos centros comarcais para a realización de actividades formativas e de divulgación.
11. En colaboración cos departamentos da Xunta de Galicia, consolidación da función dos centros comarcais como puntos de información turística das comarcas con maior vocación turística.
12. Programación de ciclos formativos nos centros comarcais nos campos de: fortalecemento das capacidades de xestión das organizacións, divulgación dos programas de axudas dos diversos departamentos da Xunta de Galicia, divulgación de novas posibilidades de creación de empresas.
13. Apoio á realización de actividades por parte de entidades públicas e privadas nos centros.
14. Dotación de equipamento para a realización de actividades culturais e de divulgación, así como de extensión da sociedade da información.
15. Apoio técnico en materia de arquitectura urbanística e planificación territorial para as distintas iniciativas vinculadas o desenvolvemento rural.
16. Análises de emprazamento de obras, estudos de viabilidade, definición de programas funcionais, redacción de memorias e proxectos, así como a supervisión técnica de contratación de obras como a xestión, dirección e coordinación das mesmas, vencelladas a infraestruturas orientadas o desenvolvemento rural. Xestión de autorizacións e licenzas.
17. Xestión do mantemento arquitectónico da rede de centros comarcais de Galicia, e de todas aquelas actuacións dotadas de infraestrutura física.
18. Elaboración de propostas de proxectos europeos relacionados co desenvolvemento rural, en coherencia coas prioridades da Consellería do Medio Rural, e presentación dos mesmos

aos organismos pertinentes.

19. A prestación e apoio técnico ás diversas direccións xerais da Consellería do Medio Rural e entes públicos na elaboración de proxectos e estudos de interese para os obxectivos das mesmas, así como con outras áreas propias da sociedade (proxectos de SIX e iniciativas europeas).
20. Apoio na xestión de convocatorias públicas de axudas a entidades públicas e privadas.
EMPRESA PÚBLICA DE SERVIZOS AGRARIOS GALEGOS, S.A.

O Decreto 260/2006, do 28 de decembro, publicado no DOG do 18 de xaneiro de 2007, autorizou a creación da sociedade pública Empresa Pública de Servizos Agrarios Galegos, S.A.

No exercicio 2011, a sociedade pretende a consolidación dun modelo de xestión pública no eido agrario, con vinculación íntegra coa Administración da Comunidade Autónoma galega e realizará cantas encomendas lle sexan ordenadas pola Consellería do Medio Rural, así como de calquera outro departamento ou ente público autonómico que encaixen dentro do seu obxecto social, e dun xeito programado as seguintes:

A realización de traballos de obra preventiva e de restauración forestal, a asistencia técnica na redacción dos instrumentos de planificación preventiva forestal, así como a colaboración en traballos silvícolas en montes ordenados baixo xestión da comunidade autónoma.

A colaboración en actuacións de infraestrutura e equipamentos para o medio rural dentro da estratexia de mellorar a calidade de vida dos concellos rurais e do reequilibrio territorial.

A realización de traballos nos espazos naturais protexidos de Galicia xestionados pola Administración da comunidade autónoma.

A prestación de servizos relacionados coa produción agropecuaria.

Colaboración, se procede, na campaña de incendios forestais, poñendo a disposición da consellería un dispositivo de reforzo na época de alto risco de incendios forestais colaborando tanto nas tarefas de extinción coma nas de prevención e mellora de infraestrutura.

XENÉTICA FONTAO, S.A.

O obxecto social da sociedade Xenética Fontao, S.A., de acordo co Decreto 265/1997, do 18 de setembro, é a prestación de asesoramento e servizos ás persoas tanto físicas como xurídicas e organizacións adicadas á mellora xenética animal. A través do Decreto 237/1998, do 30 de xullo, fóronlle adscritos os bens e dereitos que integran o Centro de Escolma e Reprodución Animal de Fontao-Lugo, constituídos por inmoables, animais e material xenético.

Dentro das súas actividades principais inclúense a produción e a comercialización de doses seminais de sementais de gando vacún das razas holstein e rubia galega. Ademais estanse a diversificar os servizos ofertados mediante o desenvolvemento de tecnoloxías innovadoras reprodu-

tivas que aceleran o progreso xenético da cabana gandeira e da aplicación da biotecnoloxía do ADN no eido da produción e sanidade agropecuarias.

Entre os obxectivos que se pretenden acadar para o ano 2011 destácanse os seguintes:

A consolidación do Laboratorio de Xenética Molecular, impulsando o investimento en I+D+i, co desenvolvemento de proxectos baseados nas liñas de investigación prioritarias da sociedade: tecnoloxías moleculares no campo da sanidade e produción animal, novas técnicas de reprodución asistida e predición da fertilidade do esperma animal.

A mellora e ampliación da rede de comercialización, co afianzamento dos acordos neste eido e obtención doutros novos, que permitan incrementar a xeración de recursos propios

A mellora e optimización da produción, a través da valoración xenética por descendencia de sementais en proba das razas holstein e rubia galega, potenciando a valoración de machos nados en explotacións de Galicia.

II.4. DAS FUNDACIÓNS

FUNDACIÓN CENTRO TECNOLÓXICO DA CARNE

O Centro Tecnolóxico da Carne (CTC) é unha fundación de interese galego dependente da Consellería do Medio Rural que pretende dinamizar e mellorar a capacidade competitiva do sector cárnico de Galicia.

Dende a súa apertura, o CTC vén desenvolvendo unha actividade moi significativa no impulso da I+D+i dentro do sector cárnico, como se reflicte na colaboración mantida con diversas entidades públicas e privadas e os numerosos proxectos de investigación concedidos en diferentes convocatorias.

Son fins do Centro Tecnolóxico da Carne (CTC) o desenvolvemento tecnolóxico das empresas relacionadas co sector cárnico, en todos os terreos de actividade e todas as cabanas existentes e en particular: fomentar a investigación e o desenvolvemento en materia cárnica; mellorar as técnicas de xestión produtiva; coordinar a correcta utilización de todos os medios tecnolóxicos existentes en Galicia; asistir ao sector nos procesos de adaptación legislativa; atender a formación profesional dos recursos humanos; establecer as estruturas organizativas que sexan pertinentes; prestación de servizos oportunos; promover estudos e publicacións; elaboración de normativa legal e regulamentaria.

As liñas de acción do CTC baséanse en catro eixes fundamentais:

Servizos ás empresas cárnicas: produtos e tecnoloxías implementadas na planta piloto, servizos de análise dos laboratorios, análise sensorial (panel de catas), autenticidade alimentaria, etc.

I+D+i no ámbito cárnico, posto que o CTC ten en marcha unha variedade de iniciativas de investigación, con proxectos concedidos en diferentes convocatorias (FEADER, INCITE, INIA, INTERREG, etc.).

Asesoramento e transferencia tecnolóxica ao sector cárnico.

Formación: o obxectivo é acadar a profesionalización do sector cárnico galego e conseguíntelle mellora da competitividade, polo que se imparten cursos de formación continua, cursos de especialización en tecnoloxía cárnica, cursos de benestar animal, etc.

De todos os servizos que presta o Centro Tecnolóxico da Carne son de destacar tres deles:

Por unha banda, a planta piloto, que conta cunha sala de despezamento, unha sala de elaborados e unha sala de pratos preparados. Os servizos máis importantes que presta son os orientados a produtos (alimentos de quinta gama, sistemas de envase, etc.), servizos orientados a tecnoloxías (ensaio de novas técnicas de produción, novas tecnoloxías aplicadas aos procesos transformadores, etc.) e, por último, o control de procesos.

En segundo lugar, o CTC conta cunha rede de campos de ensaio e instalacións gandeiras que permiten, mediante ensaios e demostracións, realizar a transferencia tanto de novas técnicas de cultivo coma de manexo de animais a agricultores e gandeiros.

Por último, cabe salientar a importancia do panel de cata con que conta o centro, destinado a converterse nunha ferramenta fundamental para as industrias cárnicas galegas, xa que os servizos que presta permiten introducir novos produtos no mercado, implantar melloras en produtos existentes, coñecer os gustos dos consumidores, etc.

En consonancia coas actuacións descritas anteriormente e que conforman a actividade do centro, poden establecerse os obxectivos do CTC para o ano 2011; estas son as liñas básicas:

I.- Desenvolvemento de proxectos de I+D+i.

É un obxectivo do CTC a potenciación das actividades de investigación e transferencia tecnolóxica. Para acadalo, entre outras actuacións programadas, o CTC vai redactar e realizar proxectos de investigación nas áreas prioritarias definidas por tres programas:

Programa INCITE (Consellería de Economía e Industria).

Programa de Accións de Cooperación (Consellería do Medio Rural).

Programa de Transferencia Tecnolóxica (Consellería do Medio Rural).

O obxectivo final é favorecer o desenvolvemento do sector agroalimentario galego utilizando a I+D+i como vía para impulsar a innovación nas empresas do sector que permita o aproveitamento do seu potencial.

2.- Participación en programas nacionais e europeos de investigación.

Fíxase como obxectivo a formulación e execución de proxectos de investigación que concorran ás principais convocatorias europeas:

Programa AVANZA (Plan Nacional de Investigación Científica, Desenvolvemento e Innovación Tecnolóxica 2008-2011).

Programa INIA (Instituto Nacional de Investigación y Tecnología Agraria y Alimentaria).

Programa POCTEP (Programa Operativo de Cooperación Transfronteiriza España-Portugal 2007-2013).

Programa SUDOE (Programa de Cooperación Territorial do Espacio Sudoeste Europeo)

7º Programa Marco, Rexións do Coñecemento, Capacidades.

3.- Ampliar a oferta formativa.

O programa formativo do CTC pretende mellorar a capacitación profesional de persoas que traballan no sector agrogandeiro, alimentario e forestal galego. De cara a 2011, o obxectivo é ampliar a actual oferta de formación, co desenvolvemento de accións encadradas nestas liñas:

Programa AFD (cursos de formación ocupacional dirixidos a desempregados con compromiso de inserción).

Programa de Formación Agroforestal (Consellería do Medio Rural).

Cursos de formación continua esixibles pola normativa aplicable a distintas actividades (entre eles, cursos de benestar animal).

Accións de formación e transferencia de tecnoloxía a entidades asociativas do sector.

Cursos de formación e reciclaxe de técnicos.

Xornadas, seminarios, sesións de información e talleres para a divulgación técnica e científica.

4.- Incrementar os servizos prestados a todo tipo de entidades.

O obxectivo é ampliar o número de clientes que fan uso dos nosos servizos, incrementándose así a xeración de recursos propios. Para isto, de cara o 2011 preténdese ampliar o número de técnicas acreditadas nos nosos laboratorios, por en marcha un novo laboratorio de bioloxía molecular, facer un maior esforzo de comunicación exterior, incrementar os contactos con empresas, etc.

5.- Promover estudos e publicacións.

Neste campo, as principais actuacións previstas son:

Incrementar o número de publicacións e comunicacións de resultados por parte dos investigadores do centro.

Favorecer a organización de congresos e a nosa participación como relatores.

Incrementar o número de "posters" e artigos enviados a feiras e congresos de ámbito nacional e internacional.

Apoiar a publicación de estudos no sector agroalimentario.

6.- Promover convenios de colaboración.

Co obxectivo de aproveitar as sinerxias entre entidades e obter o máximo rendemento dos recursos empregados, o CTC propónse favorecer a sinatura de convenios con diversas entidades tanto do sector agroalimentario como do sistema de I+D. Isto favorecerá a consecución dos diferentes fins que procura o centro.

7.- Outros obxectivos.

Nesta categoría incluímos unha serie de obxectivos de gran importancia para o CTC pero de difícil encadramento dentro dos seus eixes de actuación. Entre eles podemos salientar:

Fomento e mellora da transformación e comercialización dos produtos agroalimentarios galegos, como medio para gañar valor engadido nas producións.

Apoio ás denominacións e indicacións de calidade.

Fomento das razas autóctonas galegas.

Impulso da agricultura multifuncional e sustentable, etc.

III. ORZAMENTO DE GASTOS POR PROGRAMA

III.1. PROGRAMAS DE GASTO

III.1.1. PROGRAMA 422L - CAPACITACIÓN E EXTENSIÓN AGROFORESTAL:

1. DESCRICIÓN DO PROGRAMA

A Dirección Xeral de Innovación e Industrias Agrarias e Forestais correspóndelle a formación no sector agrícola, gandeiro, forestal e agroalimentario. Neste marco a formación permanente e actualizada é un factor clave para a mellora do capital humano, ofrecéndolles aos profesionais do sector novos coñecementos e habilidades para o desempeño das súas funcións actuais e futuras.

Establecese o Programa anual de Formación Continua, desenvolvido nos centros dependentes da Consellería de Medio Rural dirixido a elevar o nivel de coñecementos dos agricultores e das persoas que traballan no sector, así como a facilitar a transferencia e adopción polo sector dos resultados das investigacións. O obxectivo principal do programa é o desenvolvemento de accións relativas á mellora da capacitación profesional de persoas que traballan nos sectores agrogandeiro, alimentario e forestal galego, incluída a divulgación de coñecementos científicos e prácticas innovadoras.

O envellecemento da poboación especialmente no rural é unha das debilidades estruturais de Galicia, polo que frear o éxodo rural e asegurar a substitución xeracional no medio rural é outro dos obxectivos estratéxicos facilitando a capacitación profesional, en particular daqueles que se incorporan por primeira vez á actividade agraria é outra das liñas prioritarias. Así mesmo, debe servir para que a actividade produtiva sexa respectuosa co medio ambiente.

A mellora da cualificación dos agricultores require tamén elevar o nivel de formación do persoal docente e técnico encargado de transmitir os coñecementos para facilitar a adopción de innovacións no sector agroforestal.

As actividades, ademais de mellorar o nivel técnico-productivo, estarán destinadas á xestión técnico-económica, á seguridade no traballo, á sensibilización en materia de calidade dos produtos, a protección do medio e conservación da paisaxe.

Estes programas formativos contan con financiamento do Fondo Europeo Agrícola de Desenvolvemento Rural (FEADER) no marco do Programa de Desenvolvemento Rural de Galicia 2007-2013 Medida 11110 para "Accións relativas á información e formación profesional incluída a divulgación de coñecementos científicos e prácticas innovadoras de persoas que traballan no sector agrícola, alimentario e forestal".

O programa será desenvolvido polos servizos técnicos dependentes da Consellería do Medio Rural, entre os que se inclúe o persoal das oficinas agrarias comarcais e das escolas de formación e experimentación agroforestal, e contando coa colaboración dos centros de investigación,

centros tecnolóxicos e de entidades asociativas do sector agrario, alimentario e forestal.

A axuda prevista non incluírá os cursos de preparación ou formación que formen parte dos programas ou sistemas normais de educación agrícola ou forestal do ensino secundario ou superior nin as accións específicas de formación contidas no programa de formación e cualificación profesional desta consellería.

Actividades:

I. Accións formativas nas seguintes áreas prioritarias:

I.1 Cursos de capacitación dirixidos ás persoas que se incorporan por primeira vez á actividade agraria.

I.2 Cursos de formación e reciclaxe de técnicos da administración e formadores dos programas de capacitación.

I.3 Cursos de formación continua esixible pola normativa aplicable a distintas actividades e programas de axudas. Entre elas, cursos de benestar animal e de capacitación para aplicadores-manipuladores de produtos fitosanitarios.

I.4 Cursos de formación continua de carácter teórico-práctico para axudar a reorientar aos produtores en función das esixencias dun mercado que evoluciona rapidamente, impartidos directamente pola administración ou a través de entidades colaboradoras.

1. Seminarios, sesións de información e talleres para a divulgación técnica e científica.
2. Accións de demostración ligados á adopción de innovacións nas explotacións e pequenas empresas transformadoras do medio rural.
3. Accións formativas dirixidas a cooperativas agrarias, incluídas viaxes formativas para persoal e asociados.
4. Accións de formación e transferencia de tecnoloxía externalizadas definidas mediante ordes de convocatoria, e dirixidas a entidades asociativas do sector agrario.

Para a selección dos proxectos formativos serán temas de atención prioritaria as accións de capacitación da mocidade para a incorporación á empresa agraria, ademais dos seguintes: benestar animal, fomento dos sistemas de produción integrada e ecolóxica; técnicas de silvicultura de frondosas, silvopastoralismo, xestión da empresa agroforestal, mellora da eficiencia das producións gandeiras; xestión de estercos e puríns nas explotacións gandeiras; transformación de produtos agrarios no marco de producións de calidade diferenciada, seguridade alimentaria, seguridade no uso da maquinaria. incluíndo a capacitación en materia de manipulación e aplicación de produtos fitosanitarios; cumprimento dos requisitos de condicionalidade nas producións agrarias, enerxías renovables de orixe agrícola; aforro enerxético na agricultura; novas oportunidades de emprego no rural; tecnoloxías de información e comunicación; fomento do asociacionismo agrario e formación de persoal de substitución das explotacións gandeiras.

2. ÓRGANOS ENCARGADOS DA SÚA XESTIÓN

Dirección Xeral de Innovación e Industrias Agrarias e Forestais

III.1.2. PROGRAMA 422M - ENSINANZA SECUNDARIA E FORMACIÓN PROFESIONAL:

1. DESCRICIÓN DO PROGRAMA

A Consellería do Medio Rural conta con seis centros de formación e experimentación agroforestal onde impartir ciclos formativos de grao medio e superior das especialidades agrarias co obxectivo de incorporar profesionais con titulación de FP relacionada coas actividades agroforestais ao mercado de traballo.

Os centros sitúanse en: Guísamo (Bergondo) e Sergude (Boqueixón) na provincia de A Coruña, Becerreá, Monforte e Ribadeo na de Lugo e Lourizán en Pontevedra e neles desenvólvese ademais desta formación regrada, accións formativas no marco do plan de formación continua destinadas aos profesionais do sector, así como accións formativas dirixidas a colectivos especiais con dificultade de inclusión no mercado de traballo, enmarcados nos programas de garantía social, formación e emprego e talleres profesionais agroforestais.

Dado o carácter eminentemente práctico da formación impartida nestes centros, o nivel e características do equipamento con que contan é fundamental para impartir un ensino de calidade e adaptado ás demandas da sociedade e das empresas. No 2011 continúaase co proxecto de mellora da dotación de ditos centros, financiando a renovación das instalacións e equipamento tecnolóxico de apoio á educación, así como de incorporación de novas tecnoloxías de información e comunicación a fin de incrementar a funcionalidade e a extensión da labor educativa desenvolvida.

Existe a necesidade de impulsar accións dirixidas a incrementar o valor engadido das producións agroforestais, desenvolver o potencial produtivo existente e de revitalizar as zonas rurais, como obxectivos estratéxicos da Consellería do Medio Rural. Ademais promoverase un plan de actuación no eido da seguridade e prevención de riscos no traballo con especial atención ao manexo da maquinaria agroforestal.

Para colaborar nestes obxectivos contéplanse, a este respecto, as seguintes accións:

Un programa de formación e cualificación agroforestal para o 2011 no que se estableza un conxunto de actuacións dirixidas, a ampliar e mellorar as capacidades dos traballadores do sector complementando a súa formación profesional.

Programa de formación e concienciación en materia de prevención de riscos laborais e seguridade viaria no manexo de maquinaria agroforestal, co obxectivo de mellorar os estándares de seguridade e hixiene nas actividades laborais do sector.

Programa para dinamizar e aumentar a eficiencia das medidas dirixidas desde a administración para a ordenación e valorización do espazo rural, de colaboración nas accións de divulgación e transferencia de tecnoloxía dos centros de investigación e do resto dos servizos técnicos da consellería dirixido á poboación xeral e mulleres.

Actividades:

1. Impartición de ciclos de grao medio e superior de formación profesional nas especialidades agrarias, con ampliación da oferta formativa no curso 2010/2011.
2. Impartición de accións formativas de garantía social, orientadas á formación agroforestal.
3. Plan de seguridade e prevención de riscos laborais especialmente no uso de maquinaria agroforestal.
4. Mellora das dotacións de aularios, laboratorios, naves, silos, invernadoiros, talleres e infraestrutura de apoio en xeral dos centros para mellora da calidade da ensinanza e ampliación da oferta formativa.
5. Equipamento dos centros con material tecnolóxico adecuado ás actividades formativas, incluíndo maquinaria, apeiros e instrumental auxiliar.
6. Ampliación da oferta e deseño de novos modelos de formación profesional con apoio das novas ferramentas da sociedade de información.
7. Convocatoria de bolsas de prácticas para estudantes de formación profesional agroforestal e para titulados en especialidades agroforestais, que inclúen axudas para prácticas en empresas e de iniciación á investigación.
8. Accións formativas específicas dirixidas ao persoal da Consellería do Medio Rural como o dispositivo de prevención e extinción de incendios.
9. Accións de sensibilización e formación da poboación rural na valorización do espazo agroforestal, e de colaboración nas accións de divulgación e transferencia de tecnoloxía dos centros de investigación e do resto dos servizos técnicos da Consellería.

2. ÓRGANOS ENCARGADOS DA SÚA XESTIÓN

Dirección Xeral de Innovación e Industrias Agrarias e Forestais

III.1.3. PROGRAMA 541B - CONSERVACIÓN DA BIODIVERSIDADE E POSTA EN VALOR DO MEDIO NATURAL:

1. DESCRICIÓN DO PROGRAMA

A importancia dos valores ambientais, dos procesos e da interrelación entre o medio e as persoas cobra na actualidade unha grande relevancia. Hoxe en día, ningunha actividade do home pode prescindir da compoñente ambiental. A conservación da biodiversidade e o patrimonio natural en Galicia ten como escenario a gran heteroxeneidade do territorio galego, expresada na variabilidade das características bioxeográficas e socioecolóxicas. Así mesmo, esa conxunción de

características, derivadas, por unha banda, dos aspectos ecolóxicos e, por outra, das interaccións humanas, afectan a práctica totalidade do territorio.

Galicia amosa un perfil crecentemente urbano cunha translación de poboación dende o interior á costa, sen embargo non debemos perder de vista que o 90% do territorio é rural, e nel asentase unha importante poboación. Esta afirmación ten o seu aval máis significativo nas 26.892 entidades singulares de poboación con menos de 100 habitantes e os 198 municipios con menos de 5.000 habitantes.

O territorio galego preséntase como un escenario complexo, no que a demanda de bens e servizos ten unha correlación directa coa dispersión da poboación e coas demandas estruturais. As características da propiedade, o alto peso do sector primario, a alta produtividade dos ecosistemas, as fortes demandas de solo para os usos agrarios, forestais ou urbanísticos, a gran dispersión da poboación ou a ocupación intensa dunhas áreas, que incrementan a demografía en termos relativos, fronte ao abandono propiciado polo éxodo rural noutras, configuran este territorio de un xeito significativo. Este contexto fortemente antropizado, cunha compoñente rural moi acusada, presenta unha forte dependencia, no que a fauna, a flora, os hábitats e, en definitiva, a biodiversidade e actividades coexisten e o equilibrio das poboacións depende, en grande medida, da harmonización coas actividades que xestionan e manexan o territorio.

A política de desenvolvemento rural vai máis alá da actividade puramente agrícola, con ser esta de extraordinaria importancia na nosa comunidade, a nova política agraria ten e terá no futuro, un compoñente esencial na conservación dos ecosistemas e tendo en conta que a capacidade de produción dos ecosistemas non vaia máis alá da súa capacidade de carga.

Os espazos naturais protexidos, a Rede Natura 2000 e a súa xestión e conservación constitúen, en esencia, o eixo básico sobre o que pivota as políticas públicas deste sector da administración, conscientes da necesidade de dotala de réximes xurídicos axeitados, acompañados de medidas activas de conservación, restauración, e posta en valor.

A conservación da vida silvestre como expresión da preservación dos elementos que compoñen a biodiversidade constitúen outro obxectivo básico. Nos últimos anos a produción normativa e a implementación de instrumentos e ferramentas ao servizo da conservación das especies ten sido abundante, e isto suxire a necesidade de planificar e establecer as medidas axeitadas para garantir a conservación das especies alomenos das mais ameazadas.

A protección dos animais domésticos e salvaxes en cativeiro forma parte das competencias da Consellería do Medio Rural e é obxecto de especial atención, sobranceiramente fronte a necesidade de desenvolver políticas e accións de benestar animal.

O outro eixo transversal está relacionado coa utilización da divulgación, a información, a educación e sensibilización ambiental, como elemento de fomento dos compromisos referidos no contexto do dereito constitucional de disfrutar dun medio ambiente axeitado.

Por outro banda, neste programa tamén se contemplan as necesidades relativas a aplicación de políticas preventivas, funcións de policía e vixilancia, control e prevención de impactos no medio natural, para o que é preciso dispor dunha axeitada estrutura administrativa de medios humanos e materiais.

Por último este programa tamén promove o ordenado aproveitamento das especies da fauna cinexética, e da piscícola nas augas continentais, asegurando unha xestión sostible das mesmas.

Todas as actuacións previstas acomódanse aos compromisos internacionais e de acción comunitaria en materia de medio ambiente, programas que resultan de especial interese como ferramenta de importancia básica para acometer iniciativas de desenvolvemento sostible.

Obxectivos:

Son os recollidos no Plan Estratéxico Galicia 2010-2014:

- Accións para a optimización socioeconómica e para o desenvolvemento sostible da po-boación da Rede Galega de Espazos Naturais Protexidos a través da mellora dos hábitats e da paisaxe rural.

- Protección, conservación, restauración e mellora dos recursos naturais situados na Rede Galega de Espazos Naturais Protexidos (reserva natural, parque natural, parque nacional, monumento natural, humedal protexido, paisaxe protexida e ZEPVN).

Necesidade:

Acadar estes obxectivos implica, por unha banda, manter unha ampla rede de espazos naturais protexidos, así como o establecemento de ferramentas de planeamento activas específicas de conservación de ENP e protección de especies nos seus hábitats e, por outra, involucrar á sociedade na protección dos mesmos. Neste senso, cómpre, polo tanto, desenvolver accións que permitan harmonizar a conservación coa posta en valor do medio natural e dos seus compoñentes, fomentando as accións que deriven nunha participación nos beneficios económicos e sociais a partir da xestión sostible do mesmo.

Beneficios a acadar:

Mantemento nun estado de conservación favorable de hábitats e especies así como da paisaxe mellorando o estado de conservación da biodiversidade, e dos seus compoñentes.

Posta en valor e desenvolvemento sostible social e económico dos territorios con marcado carácter ambiental.

Lograr unha representación axeitada dos hábitats e das especies propios de Galicia que garanta a súa conservación activa dentro das políticas de espazos naturais protexidos consolidando unha rede de espazos protexidos nun estado adecuado de conservación. Ultimar a aprobación e

aplicación dos instrumentos de planeamento dos espazos naturais protexidos.

Mellorar a situación de apoio o desenvolvemento e ós habitantes, empresas ONG, entidades e institucións locais da área de influencia dos parques naturais, do parque nacional e dos espazos naturais protexidos, axudando a manter o tecido poboacional das áreas incluídas nos espazos.

Mellorar o nivel socioeconómico das poboacións que están integradas nos espazos protexidos, fomentando actividades produtivas respectuosas co medio ambiente, e a distribución equitativa dos beneficios ambientais.

Fomentar a participación das persoas e dos colectivos implicados na conservación do medio ambiente e na toma de decisións ambientais.

Dotar os espazos naturais das infraestruturas, equipamentos e servizos ambientais con suficiente oferta e calidade para o disfrute dos usuarios ordenando o uso sociorecreativo do medio natural compatibilizándoo coa conservación do mesmo e garantindo un uso racional do medio natural acorde coas demandas dos usuarios e coa fragilidade dos ecosistemas.

Mellorar a información e difusión da importancia do patrimonio natural e da biodiversidade e garantir o disfrute, resaltando a importancia dos valores naturais e concienciando á cidadanía sobre a importancia de conservar a natureza.

Compensar aos agricultores e gandeiros polos danos sufridos nas súas explotacións, producidas pola fauna silvestre.

Mellorar o benestar dos animais domésticos e salvaxes en cativeiro.

2. ÓRGANOS ENCARGADOS DA SÚA XESTIÓN

Dirección Xeral de Conservación da Natureza

III.1.4. PROGRAMA 551A - INFRAESTRUTURAS E EQUIPAMENTOS NO MEDIO RURAL:

1. DESCRICIÓN DO PROGRAMA

O desenvolvemento equilibrado e sostible de Galicia implica a necesidade de actuar en todos os sectores produtivos, facendo competitivo o sector primario, sentando as bases dun desenvolvemento rural con futuro, e uns servizos de calidade, na base dun desenvolvemento sostible.

O 80% do territorio galego pode denominarse rural atendendo a súa densidade de poboación e a súa estrutura socioeconómica. A modernización do medio rural é un dos retos máis

importantes que ten a Galicia.

É necesario afondar na diversificación económica do medio rural, buscando alternativas novas e complementarias, cun modelo que fixe a poboación ao territorio, baseándose nas seguintes liñas:

- I. Mellora da calidade de vida da poboación no rural. No rural, son imprescindibles servizos públicos suficientes e de calidade. A poboación rural ten os mesmos dereitos que o entorno urbano a dispoñer de medios e servizos que permitan o desenvolvemento das súas iniciativas empresariais e dunha calidade de vida equiparable ao medio urbano. Neste senso, é necesario invertir na mellora de infraestruturas e servizos básicos á poboación.

Respecto da liña de mellora da calidade de vida no medio rural, establécense os seguintes proxectos de actuación:

I.1 Plan Estratéxico de Infraestruturas do Medio Rural. As fortes deficiencias que existen nas zonas rurais de Galicia, urxen a adopción dunha política intensiva en materia de infraestruturas, necesarias para a dotación, conservación e mellora dos servizos básicos elementais (camiños rurais, abastecementos de auga domiciliaria, saneamentos dos núcleos de poboación, e outros) que, pola súa natureza, supoñen un importante desembolso económico para as administracións locais. Con este plan, invértese en todos os concellos de Galicia utilizando uns parámetros que pretenden lograr un principio básico de equidade e converxencia.

I.2 Proxectos de infraestrutura rural. É necesario investir, naquelas zonas do territorio galego nas que, polas graves carencias de infraestruturas básicas, sexa urxente e necesario dotar á poboación rural dun nivel de vida adecuado, aproximándose ao que se ten en ámbitos urbanos.

- I. Mellora da estrutura das explotacións. O medio rural galego ten que afrontar o forte desafío de avanzar na súa competitividade no medio dunha crise económica que trae consigo o incremento dos custos de produción nas explotacións, e que supón un freo ao seu desenvolvemento económico. Neste senso, é imprescindible un apoio as mesmas para que, por unha parte, logren unha diminución de custos, redimensionando a súa base territorial (concentración parcelaria, mellora de accesos as explotacións, etc.) e, doutra, incrementen os seus ingresos, mellorando os sistemas de produción (posta en cultivo de terras improdutivas, mellora e consolidación de regadíos, etc.)

Respecto da liña de mellora da estrutura das explotacións, establécense os seguintes proxectos de actuación:

2.1 Programa de mellora e reordenación das estruturas agrarias. Neste programa, dedicado á concentración parcelaria, pretenderase:

- Continuación das políticas de concentración da terra agraria, mellorándoa e dándolle un novo pulo aos procesos en curso.

- Perfeccionamento dos procedementos de selección de zonas, asociándoas, fundamentalmente, a procesos produtivos, onde as inversións públicas sexan máis efectivas.

- Promoción de instrumentos para a integración e redimensionamento das explotacións en zonas de concentración parcelaria, prestando ademais especial apoio ao asociacionismo produtivo nelas.

- Axilización e racionalización nos procedementos de concentración, na procura de limitar, no tempo, os custos ou perdas en que incorren as explotacións durante o procedemento de concentración parcelaria.

- Respecto co medio ambiente e o patrimonio de Galicia, na procura de racionalizar o proceso de concentración parcelaria, respectando os valores ambientais das zonas, incluídos nas respectivas declaracións de impacto ambiental, así como os valores patrimoniais existentes dentro das zonas.

2.2 Mellora das infraestruturas relacionadas coas explotacións. A través da Lei 45/2007, do 13 de decembro, para o desenvolvemento sostible do medio rural, preténdese fomentar unha actividade económica continuada e diversificada no medio rural, mantendo os sectores agrícola, gandeiro e forestal, preferentemente nas zonas rurais consideradas prioritarias. Neste senso, fórméntase a mellora dos accesos as explotacións de vacún e viñado en diversos concellos de Galicia, contribuíndo na diminución de custos nestas explotacións, pola mellora da súa accesibilidade.

2.3 Mellora e consolidación de regadíos existentes. Respecto das infraestruturas de regadío, tentarase de optimizar o aproveitamento dos recursos hídricos na agricultura, mellorando os sistemas de xestión da auga e utilizando métodos que permitan aforros de caudal e de enerxía, diminuíndo os posibles efectos negativos sobre o medio ambiente, e permitindo a compatibilización dos usos da auga nos distintos eidos sociais, económicos e ambientais implicados.

Establécese como un dos obxectivos deste programa a mellora e consolidación dos regadíos existentes, tendo presente que a utilización de sistemas eficientes, debidamente regulados, comprobados e cun correcto mantemento, xunto cunha xestión axeitada, redundará nun balance hídrico máis favorable desde o punto de vista económico e ambiental.

As zonas a investir son as de A Limia, Terra Chá e Val de Lemos, así como a mellora de levadas de regadío tradicional.

2. ÓRGANOS ENCARGADOS DA SÚA XESTIÓN

Dirección Xeral de Desenvolvemento Rural

III.1.5. PROGRAMA 551B - ACCIÓNS PREVENTIVAS E INFRAESTRUTURA FORESTAL:

1. DESCRICIÓN DO PROGRAMA

As accións a levar a cabo no programa 551B deberán buscar, por definición, reducir ao mínimo os danos ecolóxicos, económicos e sociais producidos polos incendios forestais.

Para acadar ditos obxectivos a prevención e defensa contra os incendios forestais céntrase en varias fronteiras entre as que destacan:

Plan preventivo: centrado na vixilancia disuasoria e detección rápida dos incendios, a execución de obras preventivas e a construción de infraestruturas de defensa, a plena colaboración co resto de administracións públicas particularmente cos concellos de Galicia, e a posta en marcha de accións de divulgación, formación e concienciación da poboación, buscando en todo momento concitar a máxima participación social nun problema que é de todos, e a definición de perímetros de actuación forestal.

Plan de extinción: coa dirección, supervisión e coordinación de todo o operativo de medios humanos e materiais que traballa na defensa contra incendios forestais en Galicia, co obxectivo de reducir as superficies queimadas polos incendios forestais e os danos e perdas que provocan.

Actividades

Redución do número de lumes:

Analizar os resultados dos estudos espacio-temporais, completando cos datos do 2010 e as actualizacións levadas a cabo o pasado ano.

Redefinición das zonas de alto risco de incendios e de especial vixilancia, onde se realizarán plans de investigacións policiais e forestais que permitan coñecer a súa casuística de cara a realizar un Plan de Ordenación do Territorio e Dos Seus Usos e un Plan de Resolución de Conflitos e Conciliación de Intereses.

Desenvolvemento das campañas de educación forestal, sensibilización social e divulgación, dirixidas a cada un dos distintos estratos poboacionais e diferenciando, ademais a poboación urbana e a rural.

Incrementar a vixilancia preventiva e disuasoria (policial e forestal en todo o territorio), así como a presión policial nas zonas de alto risco e de especial vixilancia que se definan.

Redución da superficie queimada. Proponse a realización dos seguintes plans de actuacións:

Plan de vixilancia e detección: vixilancia dos montes, agrupacións de propietarios, de voluntarios, etc.

O plan contempla os recursos humanos e medios materiais necesarios para desenvolver os traballos de vixilancia e detección dos incendios por parte do dispositivo da Xunta de Galicia, e outras administracións, incluíndo especificamente aos corpos e Forzas de Seguridade do Estado e ás Forzas Armadas, ademais da colaboración dos distintos colectivos tanto rurais como urbanos con maior ou menor vinculación ao monte (agrupacións de propietarios forestais, agrupacións de voluntarios, etc.) para que tamén realicen no monte tarefas de vixilancia e detección de incendios, na procura de abrir unha vía de participación á sociedade nunha inquietude que é de todos. Estes colectivos apoiarán ao dispositivo de vixilancia e a súa presenza terá un efecto disuasorio fronte a posibles incendiarios.

Plan preventivo: potenciación das infraestruturas defensivas, fomento da silvicultura.

Este plan inclúe actuacións e traballos de carácter preventivo así como a construción e mantemento das infraestruturas defensivas contra incendios, entre os que destacan:

- A silvicultura preventiva coa xestión do combustible nas zonas de alto risco de incendio e a promoción de queimas controladas de outubro a maio nas zonas de pastoreo.
- A ampliación da rede de devasas e de puntos de auga.
- A mellora das instalacións e bases de medios aéreos.
- A construción e mellora de pistas e cortalumes.

Neste plan contémlase realizar obras incluídas nos plans de prevención de incendios dos concellos das zonas de alto risco.

Dentro deste plan contémlase a definición e posta en marcha de perímetros de actuación forestal nos montes veciñais sitos nas áreas de maior actividade incendiaria, a posta en funcionamento dos perímetros busca dotar o territorio cunhas infraestruturas de defensa e unha conciliación dos conflitos e intereses.

Plan de extinción.

Un dispositivo de extinción insuficiente, escasamente profesional ou mal dirixido conduce a graves situacións de risco, a pouco que o dispositivo sexa sometido a carga de traballo. Por outra banda, a viabilidade dun espazo forestal, sostible e certificado, correspóndese cun escenario libre de incendios ou polo menos con certo control. Por isto, un dispositivo de extinción eficaz, profesional e preparado é totalmente imprescindible.

Realizarase unha redefinición do modelo de dispositivo e coa dimensión adecuada tanto á realidade do problema como ao orzamento dispoñible.

Plan de formación do persoal e plan de seguridade e saúde na prevención e extinción de incendios forestais.

Terá a máxima consideración esta formación específica, tanto na realización de traballos preventivos como no desenvolvemento dos traballos de extinción, cunha formación específica e sistemática.

Plan de renovación/adquisición de dotacións, equipamento e material de loita contra incendios.

Dentro das posibilidades das partidas orzamentarias, continuaranse coas renovacións de equipamentos e materiais empregados na extinción, incorporando cantas novidades se consideren de interese e de mellora.

Plan de modernización tecnolóxica na defensa contra incendios forestais.

O desenvolvemento de tecnoloxías en múltiples campos da técnica ofrece elevadas posibilidades de incorporación á defensa contra incendios forestais para o seu emprego na toma de decisións vinculadas a prevención, detección e extinción dos mesmos.

Entre estes sistemas tecnolóxicos avanzados que se van a estudar podemos distinguir:

- Sistemas de detección e avaliación de incendios dende medios aéreos, melloran a análise do risco e aportan información sobre a evolución dos incendios, permitindo o dimensionado da extinción e a avaliación e perimetración en tempo real.

- Estudo dos novos sistemas dixitais de radiocomunicacións: a tecnoloxía analóxica na que se basea a actual rede de radiocomunicacións cumpre a súa función pero actualmente é superado por novas tecnoloxías que fan que haxa que pensar na posibilidade de cambiar a unha rede dixital de radiocomunicacións.

- Tésteo e validación do novo IRDI.

- Outras melloras na coordinación do dispositivo a través da introdución de novos módulos na aplicación X-Code.

2. ÓRGANOS ENCARGADOS DA SÚA XESTIÓN

Dirección Xeral de Montes

III.1.6. PROGRAMA 561A - PLAN GALEGO DE INVESTIGACIÓN, DESENVOLVEMENTO E INNOVACIÓN TECNOLÓXICA:

1. DESCRICIÓN DO PROGRAMA

Este programa ten como finalidade desenvolver as actividades de I+D+i nos sectores agrario, gandeiro e forestal, dentro das competencias atribuídas á Consellería do Medio Rural. Unha

das principais necesidades do sector produtivo agrario rexional é a de reforzar e facer uso de novas ideas e innovacións. Actuacións fundamentais neste sentido serán o aumento do investimento en I+D, a integración da I+D no sistema formativo, o impulso da transferencia de tecnoloxía, e o fomento da innovación empresarial.

A potenciación da innovación nas empresas destes sectores identifícase como unha das actuacións clave da consellería para o que se promoverá a súa cooperación e participación nas actividades de investigación.

En materia de investigación é obxectivo prioritario a execución de proxectos de investigación aplicada integrados no Plan Galego de Investigación, Desenvolvemento e Innovación Tecnolóxica e nos plans estatais e internacionais correspondentes.

A potenciación das actividades de investigación e transferencia tecnolóxica no eido agroalimentario, xunto co fomento e posta en valor dos produtos alimentarios galegos cunha calidade diferenciada, a través das denominacións xeográficas de calidade: denominacións de orixe ou indicacións xeográficas protexidas, e outras figuras de protección da calidade como os produtos da artesanía alimentaria, a agricultura ecolóxica ou a produción integrada serán as actuacións clave da consellería, para contribuír á consecución dos obxectivos de valorización das producións e do medio rural.

Con este obxectivo dáse apoio aos centros tecnolóxicos e de investigación do sector mediante a dotación de recursos para a creación de infraestruturas de servizos tecnolóxicos, así como de preparación de persoal cualificado para traballar neste tipo de actividades.

Dacordo coa Lei 2/2005, un dos principais campos de actuación do Ingacal será a investigación e o desenvolvemento tecnolóxico no sector alimentario galego. O Ingacal pretende actuar de dinamizador, colaborando coa industria agraria e alimentaria, promovendo e participando directamente en actividades de investigación e desenvolvemento tecnolóxico neste ámbito así como no eido dos procesos produtivos primarios, e integrando as actuacións realizadas a través dos centros de investigación e estacións experimentais anexas, xunto coas do Laboratorio Agrario e Fitopatolóxico de Galicia da actual Dirección Xeral de Innovación e Industrias Agrarias e Forestais, da Consellería do Medio Rural.

Por outra banda, continuarase a desenvolver o programa de consolidación da capacidade investigadora dos centros da consellería, baixo a dobre vertente de: renovar as instalacións e equipamento de apoio á investigación e de formación de novo persoal investigador e de apoio á investigación.

A este conxunto súmase as actuacións do Centro Tecnolóxico da Carne de Ourense, fundación de interese público galego, que realiza tarefas de investigación aplicada, transferencia tecnolóxica e prestación de servizos ás empresas en materias de produción e transformación agroalimentaria, en particular de produtos cárnicos.

É obxectivo tamén deste programa favorecer o desenvolvemento do sector da alimentación galega, cun apoio prioritario para sectores con especiais dificultades como o sector lácteo ou da carne utilizando a I+D+i como vía para impulsar a innovación nas empresas que permita o desenvolvemento de novos produtos transformados, o aproveitamento da gran diversidade agrícola e gandeira galega, a investigación e formación a favor de novas producións agrarias de alto valor engadido con capacidade de expansión, o aproveitamento da gran diversidade do material xenético local e a colaboración con outros centros que desenvolvan actividades de investigación relacionadas co sector agrario, forestal e alimentario.

Neste sentido son de interese prioritario aqueles proxectos que perseguen adaptar os sistemas produtivos existentes desenvolvendo solucións para novas necesidades nas actividades agrarias e na industria, a diversificación e aumento da eficiencia e calidade dos sistemas de produción nos sectores agrario, gandeiro e forestal. Terase en conta de forma especial a existencia dun patrimonio xenético autóctono de aptitud agroalimentaria cun potencial para desenvolvemento de novas producións ou presentacións, a avaliación de variedades e da calidade de produtos vexetais e gandeiros, e os relacionados co sector lácteo e da carne.

Así mesmo corresponde a este programa a colaboración nas actividades de transferencia de tecnoloxía, formación e divulgación realizadas pola Consellería.

Actividades:

1. Elaboración dun Plan Estratéxico de Investigación dos Centros de Investigación da dirección xeral para o período 2011-2015, no que se prestará especial atención a colaboración coas empresas, cooperativas e consellos reguladores do sector agroalimentario galego.
2. Redacción e realización de proxectos de investigación nas áreas prioritarias definidas polo Plan Galego de Investigación, Desenvolvemento e Innovación Tecnolóxica e os plans estatais e internacionais correspondentes. Colaboración nas actividades de transferencia de tecnoloxía, formación e divulgación realizadas pola consellería.
3. Financiamento a través do Ingacal do gasto de funcionamento vencellado á actividade investigadora dos centros de investigación dependentes da Dirección Xeral de Innovación e Industrias Agrarias e Forestais da Consellería do Medio Rural.
4. Programa de mellora das infraestruturas de apoio á investigación do Ingacal, mediante a renovación e adecuación de instalacións e equipamento científico-técnico.
5. Apoio ás actuacións do Centro Tecnolóxico da Carne que realiza tarefas de investigación aplicada, transferencia tecnolóxica e prestación de servizos ás empresas en materias de produción e transformación agroalimentaria, en particular de produtos cárnicos.
6. Colaboración con iniciativas doutros centros e entidades investigadoras que desenvolvan proxectos de interese para o sector agroalimentario galego.
7. Plan de dinamización da innovación na industria agraria e alimentaria mediante un programa de axudas á cooperación entre produtores, industria e investigación para o desenvolvemento de novos produtos, procesos e tecnoloxías, orientados prioritariamente ás producións de

calidade diferenciada, a produción integrada e ecolóxica, o aproveitamento de subprodutos, e as enerxías renovables na agricultura.

2. ÓRGANOS ENCARGADOS DA SÚA XESTIÓN

Dirección Xeral de Innovación e Industrias Agrarias e Forestais

III.1.7. PROGRAMA 581A - ELABORACIÓN E DIFUSIÓN ESTATÍSTICA:

1. DESCRICIÓN DO PROGRAMA

A Consellería do Medio Rural ten atribuídas competencias en materia de elaboración e difusión estatística nas áreas relacionadas coas actividades dos sectores agrogandeiro, forestal e alimentario galego. Recompila e sintetiza a información relativa ao territorio, os recursos naturais, a estrutura produtiva nas explotacións e as industrias transformadoras do medio rural. Nesta actividade colabora cos órganos correspondentes do Ministerio de Medio Ambiente, y Medio Rural y Marino proporcionando información detallada a nivel galego e actúa de forma coordinada co Instituto Galego de Estatística na elaboración das operacións definidas no marco do Plan Galego de Estatística.

Para a elaboración das operacións de estimación de superficies e rendementos, entre outras, conta co apoio do Sistema de Información Territorial de Galicia (SITGA), órgano cartográfico dependente da Dirección Xeral de Desenvolvemento Rural, cofinanciando as accións de converxencia da metodoloxía empregada na elaboración dos mapas de superficies e usos do solo polo SITGA e o MARM, a fin de mellorar a eficiencia e precisión dos resultados estatísticos.

O obxectivo deste programa é a execución das operacións estatísticas encomendadas á Consellería do Medio Rural dentro do Plan Galego de Estatística (PGE) para o 2011 así como das conveniadas co MARM.

No marco deste programa inclúense tamén as actividades de apoio para o seguimento de prezos e mercados agrarios e as que se acorden no marco do Observatorio do Sector Lácteo de Galicia, atribuídas ao mesmo no Decreto 61/2007, do 22 de marzo e que se relacionan fundamentalmente coa recompilación de información técnico-económica das explotacións de vacún de leite, e índices de referencia que se consideren axeitados para o coñecemento da evolución do sector lácteo, e a subministración aos axentes representativos do sector de información sobre a situación estrutural e conxuntural do sector.

Actividades:

- I. Realización das operacións conveniadas co MARM para a elaboración das estatísticas agregadas a nivel estatal e da UE: actualización dos directorios de rumiantes e porcino; enquisa de vacún, produción e destino do leite; enquisa de ovino; enquisa de porcino; enquisas de salas de incubación; enquisa de sacrificio en matadoiros; aforos de cultivos; avance de super-

ficies e producións agrarias; enquisa de prezos da terra e canons de arrendamentos rústicos; prezos e salarios agrarios e prezos de produtos de interese estatal e da UE.

2. Realización de estatísticas recollidas no Plan Galego de Estatística 2007-2010: explotación do rexistro de avicultura; estatística de sacrificio de gando en matadoiros; estrutura do viñedo de vinificación; enquisa do sector avícola; superficies agrícolas; explotación do rexistro de gando bovino; explotación do rexistro de ovino e cabrún; explotación do rexistro de maquinaria agrícola; explotación do rexistro da agroindustria; prezos agrarios; prezos da terra; prezos do leite; prezos de produtos lácteos en destino; rendementos de cultivos; estatística do sector hortoflorícola; utilización de medios de produción na explotación agraria; macromagnitudes agrarias; sector cunícola; sector porcino industrial; repoboación con fondos públicos; incendios forestais; producións forestais; explotación do rexistro de montes veciñais de man común e superficie forestal cuberta por especies.
3. Realización das estatísticas e estudos no marco do Observatorio do Sector Lácteo e doutros estudos relativos ao sector agrario que se lle encomenden, dentro do ámbito da Consellería do Medio Rural.
4. Apoio á obtención e seguimento de prezos e mercados agrarios.
5. Publicación dos principais resultados das operacións estatísticas: Anuario de Estatística Agraria e Macromagnitudes Agrarias, así como outras que se lle encomenden en materia de difusión de resultados de investigación e experimentación e, en xeral, de transferencia tecnolóxica.

2. ÓRGANOS ENCARGADOS DA SÚA XESTIÓN

Dirección Xeral de Innovación e Industrias Agrarias e Forestais

III.1.8. PROGRAMA 711A - DIRECCIÓN E SERVIZOS XERAIS DO MEDIO RURAL:

1. DESCRICIÓN DO PROGRAMA

A finalidade do programa é o funcionamento e a coordinación dos servizos centrais e periféricos, tanto no que atinxe aos medios humanos como aos materiais e de organización, actuando de soporte básico para a execución do resto dos programas da consellería e co obxectivo de acadar unha maior calidade, eficacia e eficiencia na prestación de servizos públicos aos cidadáns en xeral e, dun xeito particular, ás persoas vinculadas social e economicamente ao medio rural en Galicia.

Na execución deste programa de gasto no exercizo 2011 seguirase a renovar e modernizar os medios materiais para o desenvolvemento das funcións do persoal da consellería (material de transporte, de oficina, informático), e destinará unha parte significativa dos recursos a mellorar os sistemas de información, incorporando os avances tecnolóxicos para unha xestión administrativa mais transparente e eficaz.

Por outra banda, son obxectivos deste programa a divulgación e promoción dos sectores

agropecuaria e forestal de Galicia, estimulando a demanda, a divulgación do medio rural en xeral, mellorando a percepción que a poboación ten do mesmo, así como a divulgación do patrimonio natural de Galicia, có que se contribuirá a unha maior conciencia conservacionista da poboación.

Así mesmo destinaranse fondos do programa á realización de actuacións de fomento de interese xeral para toda a consellería, como a promoción e fortalecemento do asociacionismo agrario en Galicia.

O exercicio orzamentario 2011 ven condicionado pola particular situación de crise económica internacional que estamos a padecer. A diminución da actividade económica así como a perda de capacidade de endebedamento da comunidade autónoma teñen como consecuencia unha redución de recursos da facenda pública que terá incidencia no orzamento de gastos de toda a consellería. Neste escenario enténdese que este tipo de programas de gasto deban asumir un maior recorte de fondos en favor de programas de gasto con maior impacto na dinamización da economía. Por este motivo é obxectivo principal deste programa de gasto optimizar os recursos con criterios de eficacia e eficiencia, evitando que esta redución afecte á prestación de servizos.

As actividades a desenvolver son as seguintes:

Xestión do persoal do departamento.

Tramitación do gasto corrente e investimentos asociados ao funcionamento dos servizos administrativos, tanto centrais como periféricos, así como a realización de tarefas de xestión económico-administrativa.

Modernización e informatización dos servizos centrais e periféricos da consellería.

Implantación da tramitación electrónica nos procedementos de axudas e autorizacións da Consellería do Medio Rural.

Realización de estudos e traballos técnicos en temas xerais da consellería e demais actividades de apoio que lle sexan encomendadas.

Coordinación dos servizos e centros administrativos dependentes da consellería.

Tramitación de toda a produción normativa no eido agrario e forestal da Xunta de Galicia.

Contribuír ao fortalecemento das organizacións profesionais agrarias de Galicia

Actividades de promoción agraria e difusión de información relativa ao agro, ao desenvolvemento rural e ao patrimonio natural.

2. ÓRGANOS ENCARGADOS DA SÚA XESTIÓN

Secretaría Xeral

III.1.9. PROGRAMA 712A - FIXACIÓN DE POBOACIÓN NO MEDIO RURAL:

1. DESCRICIÓN DO PROGRAMA

O programa de fixación de poboación no medio rural ten os seguintes obxectivos estratéxicos:

1. Potenciar un desenvolvemento económico sostible e un desenvolvemento territorial cohesionado, a través do fomento da creación e consolidación de actividades económicas sostibles no medio rural a través de pemes, fomento da diversificación das actividades económicas sostibles no medio rural, fomento da competitividade das actividades económicas vencelladas ao mundo agroforestal, apoio á creación de emprego e fomento do autoemprego.
2. Contribuír á mellora da calidade de vida dos habitantes do rural, a través da creación e consolidación de dotacións, equipamentos, infraestruturas e servizos básicos para o desenvolvemento no medio rural, fomento das novas tecnoloxías da información no medio rural, conservación e uso sostible do patrimonio natural e cultural rural.
3. Articular a planificación e coordinación de investimentos no rural e potenciar as sinerxias e efectos multiplicadores das actuacións horizontais, a través da execución de estratexias locais de desenvolvemento, fomento do tecido asociativo social, cultural e económico no medio rural, fomento da participación pública e privada no proceso de desenvolvemento rural.

Actividades:

Ademais de calquera outra acción que teña por obxectivo contribuír de forma eficaz á diversificación económica e ao reforzamento do tecido produtivo e social no rural, este programa desenvolverá no 2011 as seguintes actuacións:

1. Convocatoria de axudas para proxectos de diversificación económica e mellora da calidade de vida no medio rural, aplicando para 2011 as medidas 3.1.1 (diversificación cara a actividades non agrarias), 3.1.2 (apoio a microempresas), 3.1.3 (fomento de actividades turísticas), 3.2.1 (servizos básicos para a economía e a poboación rural) e 3.2.3 (conservación e mellora do patrimonio rural) do PDR de Galicia 2007-2013.
2. Execucións directas en equipamentos que permitan achegar as novas tecnoloxías ao medio rural a través da medida 3.2.1 (servizos básicos para a economía e poboación rural) e no marco do Plan Director da Banda Larga (en colaboración coa Secretaría Xeral de Modernización e Innovación Tecnolóxica). Cabe polo tanto a execución a través de convocatorias y/o convenios con outras institucións, asociacións de empresarios, de veciños, culturais, etcétera.
3. Programa Leader Galicia 2007-2013. Superada a fase de selección de Grupos de Desenvolvemento Rural (GDR) e dos seus programas, cun intenso labor de posta a punto dos órganos dos GDR e dos seus equipos técnicos, e comezada a aprobación dos proxectos do período, compre acadar un nivel axeitado de execución. Inclúense aquí tanto as actuacións vinculadas ás estratexias de desenvolvemento (medidas 411, 412 e 413 do PDR de Galiza

2007-2013), como o relativo ao funcionamento dos Grupos de Desenvolvemento Rural responsables de levalas a cabo (medida 431 do PDR), como o programa de cooperación entre territorios rurais para a transferencia de coñecemento e o fomento do traballo en rede (medida 421 do PDR).

4. Coordinación das actuacións recollidas nos plans de zona redactados e executados ao abeiro da Lei 45/2007, de desenvolvemento sostible do medio rural e do Programa de desenvolvemento rural sostible 2010-2014.
5. Premios Agader ás iniciativas de desenvolvemento rural.

2. ÓRGANOS ENCARGADOS DA SÚA XESTIÓN

Axencia Galega de Desenvolvemento Rural (Agader)

III.1.10. PROGRAMA 712B - MODERNIZACIÓN E DIVERSIFICACIÓN DO TECIDO PRODUTIVO RURAL:

1. DESCRICIÓN DO PROGRAMA

Con este programa preténdense financiar medidas relacionadas coas estruturas produtivas agrarias a través de axudas aos investimentos nas explotacións dirixidos a mellorar a súa eficacia produtiva, indemnizacións aos agricultores que residan en zonas onde a actividade agraria presenta dificultades especiais, así como o apoio a sistemas produtivos respectuosos co ambiente.

Establécense liñas de apoio para a mellora da estrutura e do sistema produtivo das explotacións que persigue o incremento da dimensión e da rendibilidade das mesmas, a diversificación das actividades e orientacións produtivas nun marco respectuoso co medio ambiente e a fixación da poboación rural nunhas condicións de vida dignas.

Seguen a fomentarse as inversións que permitan acadar aforros nos custos de produción das nosas explotacións, mediante aforros en sistemas enerxéticos, aforros mediante xestión axeitada dos recursos propios das explotacións, etc

Existen tamén neste programa, medidas que facilitan o relevo xeracional, tendo como obxectivo o rexuvenecemento dos titulares das explotacións e a fixación da poboación rural nunhas condicións de vida dignas.

Seguen a implementarse inversións en comunidades de montes veciñais en man común, fundamentalmente situadas en zonas de montaña, co fin de acadar obxectivos ligados á mellora do medio, sempre con criterios non produtivos. Para que as explotacións poidan ser máis competitivas e cumprir cos requisitos legais de xestión e as boas condicións agrarias e medioambientais, ofréceneselles a posibilidade de solicitar axudas para asesoramento as mesmas, impartido por entidades de aconsellamento. Neste programa destaca a posibilidade de realizar xestión técnico-económica das explotacións, como unha das liñas de apoio, co fin de que nas explotacións esta

xestión serva para tomar decisións de tipo empresarial para mellorar a viabilidade e boa marcha da explotación.

Actividades

1. As liñas de axuda existentes perseguen a eficacia e sustentabilidade nas explotacións agrarias, e a mellora das condicións de vida e de traballo nas mesmas a mellora cualitativa e a ordenación das producións en función das necesidades de mercado, a adaptación das explotacións agrarias con vistas a reducir os custos de produción, aforrar enerxía, ou incorporar novas tecnoloxías; o cumprimento das normas mínimas en materia de medio ambiente, hixiene e benestar dos animais, establecidas recentemente, e a mellora das condicións de hixiene das explotacións gandeiras. As axudas consisten nun apoio económico e financeiro ao investimento que se pretenda realizar na explotación, primando as explotacións en que os titulares sexan mozos e aquelas que radiquen en zonas de montaña ou desfavorecidas.
2. As liñas de axuda para a incorporación de novos activos agrarios pretende o relevo xeracional á fronte das explotacións agrarias e vai destinada a persoas entre 18 e 40 anos de idade que por primeira vez acceden á titularidade, exclusiva ou compartida, dunha explotación agraria prioritaria ou como socio dunha explotación prioritaria de carácter asociativo. O importe das axudas poderanse incrementar cando se xeren novos postos de traballo asalariados na explotación, ou cando a explotación estea situada nunha zona de montaña. Os gastos a que dedican as axudas da primeira instalación poden incluír arranxos de vivenda, a adquisición de vivenda, a adquisición de dereitos de produción e a adquisición de capital de explotación entre o que destaca a maquinaria.
3. Respecto da renovación da titularidade agraria, o contemplado nestes orzamentos son os compromisos de pago do programa aprobado anos atrás, mediante o cal conseguíuse incrementar a dimensión económica e física das explotacións, colaborando ao mesmo tempo no rexuvenecemento da poboación activa agraria e facilitando unha calidade de vida digna nos últimos anos de etapa activa. O programa promoveu o cesamento anticipado na actividade agraria dos agricultores maiores de 55 anos e menores de 65, pasando a súa explotación a integrar outra dun xoven que cumpría determinados requisitos. A axuda consistiu nunca cantidade anual, mediante pagos trimestrais, dende o momento do cesamento ata os 65 anos.
4. O asesoramento das explotacións é unha ferramenta que axuda en gran medida a que as explotacións poidan acadar os obxectivos da súa actividade, tanto socioeconómicos como de cumprimento de requisitos medioambientais. Para facilitar o acceso ao asesoramento das explotacións, e dentro do marco europeo e nacional do novo período de programación 2007-2013 para o desenvolvemento rural, existen axudas para cada explotación que utilice os servizos de aconsellamento de entidades recoñecidas pola Consellería do Medio Rural.
5. As axudas que se establecen para as entidades de aconsellamento son para que presten servizos ás explotacións que así o requiran, destinados a xestión, substitución e aconsellamento, para que as explotacións poidan estar asesoradas convintemente co fin de cumprir cos obxectivos de requisitos legais de xestión e boas prácticas agrarias e medioambientais.

6. Apoio ao cooperativismo para a utilización de maquinaria e equipamentos en común.
7. Apoio ao dimensionamento de explotacións agrarias mediante o fomento do asociacionismo e da fusión destas.
8. Artéllanse medidas de apoio a actividades compatibles co medio ambiente e benestar dos animais, que tratan de compensar o lucro cesante e o esforzo engadido polo exercicio dunha agricultura sustentable e respectuosa co medio, mediante o establecemento do Contrato de Explotación Sustentable.
9. As indemnizacións compensatorias van encamiñadas aos produtores de zonas de montaña e outras zonas desfavorecidas distintas das de montaña, con especial consideración das zonas da Rede Natura 2000, polas condicións máis adversas para a produción agraria que deben soportar en relación cos produtores doutras zonas do país. O obxectivo é manter a actividade agraria e a poboación nesas áreas.

2. ÓRGANOS ENCARGADOS DA SÚA XESTIÓN

Dirección Xeral de Producción Agropecuaria.

Fondo Galego de Garantía Agraria (Fogga)

III.1.11. PROGRAMA 712C - FOMENTO DO ASOCIACIONISMO AGRARIO E DIVULGACIÓN DA TECNOLOXÍA AGRARIA:

1. DESCRICIÓN DO PROGRAMA

O asociacionismo agrario e en especial o cooperativismo son instrumentos fundamentais que contribúen moi positivamente na continua modernización do sector agrario as súas vertentes, e de xeito amplamente visible na orientación dos procesos produtivos e na súa progresiva adaptación aos mercados cada vez máis amplos, complexos e esixentes.

O seu fomento representa unha ferramenta de grande potencialidade para a reestruturación do sector agrario galego, intervindo positivamente en todos os seus factores de produción, para acadar obxectivos de sustentabilidade económica e medioambiental. Estas vantaxes son especialmente relevantes na mellora dos procesos de produción, xestión e dirección empresarial a nivel da explotación agraria, e que polo tanto contribúe a unha mellora da rendibilidade, aparte de reportar grandes beneficios na vertente social en canto a calidade de vida, traballo e creación de emprego.

Así o asociacionismo agrario é un impulsor do desenvolvemento rural no seu conxunto, e gran dinamizador da economía e da sociedade rural, contribuíndo de forma efectiva a súa fixación no medio.

Os cambios que supoñen as orientacións da política agraria común (PAC), así como a evolución de todo un complexo conxuntural de carácter socioeconómico, cultural, de mercado

a nivel internacional, fai necesario dar pasos máis decididos na dirección dun asociacionismo de maior dimensión, integrado, e máis eficiente no desenvolvemento de actividades, con maior capacidade de xerar valor engadido, cunha maior capacidade de diversificación das súas actividades, maior decisión para afrontar iniciativas na industrialización e comercialización das producións dos seus socios.

Todos estes retos conlevan a necesidade de melloras integrais; transformación profunda na dimensión empresarial, modelos e técnicas de organización e de xestión, cambio nos modelos produtivos, que precisan dunha nova orientación nos modelos e sistemas de formación e información. As posibilidades de diversificación produtiva e de calidade das nosas producións invitan a ser optimistas de cara a mercados cada día máis amplos, aínda que complexos, pero ao mesmo tempo abertos a múltiples posibilidades.

Así mesmo, preténdese reforzar a interlocución institucional agraria, artellando mecanismos eficaces de participación do sector agrario coa administración, asegurando a presenza dos intereses dos produtores agrarios nos procesos de avaliación e decisión das políticas agrarias, e potenciando ás organizacións profesionais agrarias pola súa contribución no afortalamiento do sector a través do intercambio de opinións entre a administración e mais os produtores e produtoras agrarios.

Actividades:

1. Apoio ao dimensionamento cooperativo mediante o fomento do asociacionismo, fusión e integración cooperativa.
2. Apoio á implantación de sistemas de calidade nas empresas cooperativas.
3. Axudas á mellora e implantación das tecnoloxías da información e comunicación.
4. Apoio ás organizacións de produtores de froitas e hortalizas (OPFH).
5. Apoio ás organizacións de produtores de plantas vivas e produtos da floricultura .
6. Axudas para a posta en marcha de sistemas de trazabilidade no sector hortofrutícola.
7. Concesión de axudas públicas ás organizacións profesionais agrarias representativas do sector en Galicia.

2. ÓRGANOS ENCARGADOS DA SÚA XESTIÓN

Dirección Xeral de Producción Agropecuaria

III.1.12. PROGRAMA 713A - MOBILIDADE DE TERRAS AGRARIAS IMPRODUTIVAS:

1. DESCRICIÓN DO PROGRAMA

A agricultura galega necesita dunha decidida política de reforma das estruturas agrarias, contemplados tamén noutros programas desta consellería, e que teñen especificamente neste

unha importancia significativa: trátase da posta en valor de terras agrarias que hoxe están infrautilizadas, improdutivas e, mesmo en situación de grave abandono que poden causar danos aos bens públicos ou privados do contorno.

Entre outras actuacións lévanse a cabo accións para fomentar o uso de superficies de Montes Veciñais en Man Común, sempre mediante actuacións de carácter no produtivo pero que reportan gran cantidade de beneficios medioambientais. Estas actuacións están enfocadas a actuacións que fomenten as melloras en aspectos medioambientais nos MVMC, conservación da paisaxe, así como de fixación de poboación en zonas desfavorecidas. Tamén favorecendo a limitación da erosión en zonas axeitadas para elo, así como de loita contra os lumes. Estas actuacións tamén abranguen medidas destinadas a favorecer a conservación no monte, de determinadas razas autóctonas galegas, sobre todo de vacún de carne, en perigo de extinción.

Tampouco podemos esquecer que a gandería ligada á terra ten un peso importante na economía galega, e ademais é a principal actividade económica xeradora de rendas de moitas familias nas comarcas da Galicia interior.

Diante desta situación, estableceuse un programa de mobilidade de terras agrarias que arbitrara medidas destinadas a reformar e ordenar as estruturas agrarias de Galicia, evitar a perda de superficie agraria útil e aumentar a capacidade produtiva da terra, favorecendo a súa mobilidade, de maneira que as explotacións agrarias dispuxesen das fincas infrautilizadas e aumentasen a súa base produtiva.

Neste senso, aprobouse a Lei de conservación da superficie agraria útil e do banco de terras de Galicia, no que se define o instrumento básico do programa, o Bantegal, un organismo público de intermediación para favorecer a mobilidade de terras entre as explotacións agrarias.

O banco de terras establece a necesidade de poñer en valor as terras con evidente aptitude agraria, e frear a perda de superficie agraria útil, modernizar a base produtiva das explotacións, contribuíndo a fixar poboación, e potenciar a incorporación de persoas á actividade agraria, mellorando a renda dos produtores, e por último trata de instrumentar novas medidas de reforzo da mobilidade como unha forma de xestionar mellor o territorio e manter a súa sustentabilidade.

Tamén contempla este programa o incremento de extensións dedicadas a cultivos e pastos, co que tamén se conseguirá mellorar a calidade final da produción gandeira, xa que terá como base da súa alimentación materias primas naturais e amortiguará a dependencia de insumos externos, nomeadamente os concentrados.

As terras, por unha banda, garanten que esta propiedade agraria sexa utilizada e explotada en termos acordes a súa alta potencialidade agronómica e, por outra, que a demanda de solo ou as necesidades de mellora da base territorial xerada polos novos proxectos de explotación e investimento, ou a innovación dos existentes, poida contar cunha oferta correlativa e suficientemente fluída de solo para a súa posta en marcha.

Este programa pretende tamén incentivar a valorización integral do monte. A diversificación dos produtos forestais é fundamental para a mellora das rendas rurais e o aumento do valor económico do monte. Neste senso perséguese que os montes xestionados pola administración sexan un exemplo e estímulo para os demais montes galegos en canto a xestión forestal sostible, por iso promoveranse accións nos mesmos tendentes a acadar o desenvolvemento do máximo de potencialidades produtivas para o incremento das rendas. Estas accións desenvolveranse mediante proxectos mixtos de valorización integral que compatibilizan os distintos aproveitamentos agroforestais cunha mellora dos usos relacionados co turismo, as actividades socioculturais e de lecer ou a formación dos axentes implicados na xestión dos distintos recursos forestais, así coma a divulgación ao conxunto da sociedade da importancia que teñen os espazos forestais no entorno rural.

Estas accións respaldaranse cos correspondentes programas de concienciación, sensibilización para a sector forestal, co obxectivo de acadar un adecuado desenvolvemento do entorno rural e do medio agroforestal, e con actuacións de información para o sector mediante estudos e asistencia técnica de valorización do monte para a actualización dos coñecementos acerca das distintas posibilidades de xestión multifuncional dos montes.

Cos mesmos cometidos xestionarase unha convocatoria de axudas para programas de valorización integral e promoción da multifuncionalidade do monte.

Outra das actividades deste programa consiste na creación e posta en funcionamento das Unidades de Xestión Forestal establecidas na Lei 3/2007, do 9 de abril, de prevención e defensa contra os incendios forestais de Galicia. Con esta reorganización trátase de acadar unha mellor defensa contra os incendios forestais facilitando a ordenación dos montes e do seu planeamento preventivo mediante a optimización da súa xestión e aproveitamento.

As unidades de xestión forestal son concibidas como un mecanismo de control e xestión conxunto de terreos forestais, coas que se pretende obter un mellor aproveitamento silvícola e a xestión conxunta da prevención do risco de incendios forestais, que redunde no beneficio para o titular do predio pero tamén para a sociedade en xeral. Ao concentrar a xestión de parcelas sen perda da súa titularidade acádase un mellor rendemento da explotación e evítase o risco de incendios que se produce pola proliferación incontrolada de especies pirofíticas. En definitiva, coa articulación das unidades de xestión forestal ponse en valor o monte galego, tanto no seu aspecto económico como no ecolóxico e paisaxístico.

Actividades:

1. Impulso da creación ou ampliación da base territorial destinada a actividades agrarias de cooperativas e sociedades ou outras asociacións e entidades legalmente constituídas.
2. Coas axudas para o aumento da eficacia da superficie agraria útil comunitaria preténdense reestruturar as superficies de pastoreo das comunidades de montes veciñais en man común, fundamentalmente situadas en zonas de montaña. Consiste nunha axuda económica e téc-

nica ás asociación veciñais de montes, facultadas para a xestión de zonas agrícolas e forestais comunitarias, para a execución de proxectos de implantación de sistemas silvopastoris de interese público, en especial, aqueles que permiten a prevención de lumes forestais.

3. Elaboración de estudos para acometer unha regulación específica dos usos das terras agrarias e a ordenación de cultivos en Galicia, tendo en conta as aptitudes produtivas dos solos e as condicións socioeconómicas de cada comarca.
4. Estimular a posta en produción das terras agrarias infrautilizadas a través de cesións a agricultores en activo titulares de explotacións agrarias viábeis.
5. Facilitarlles o acceso á terra ás explotacións que queiran incrementar a súa base produtiva, e apoiar na xestión a todas aquelas persoas que teñan vontade de vender, permutar ou ceder en arrendamento as súas propiedades.
6. Axudas para levar a cabo inversións en superficies de montes, principalmente MVMC, mediante actuacións destinadas a favorecer inversións non produtivas. Estas axudas poden solicitálas comunidades de MVMC, así como asociacións que asinen un convenio cos titulares da superficie veciñal.

No marco do apoio á multifuncionalidade, para acadar uns axeitados niveis de xestión do monte faise necesario a ordenación das superficies forestais e dos distintos aproveitamentos. Será preciso chegar a unhas unidades mínimas para conseguir a rendibilidade con respecto aos distintos usos que se poidan dar, así coma acadar unha mellor defensa contra os incendios forestais, facilitando a ordenación dos montes e do seu planeamento preventivo. Para isto desenvólvense as Unidades de Xestión Forestal, que se crearán e poñerán en funcionamento por medio das seguintes medidas:

1. Desenvolvemento normativo das Uxfor e dos instrumentos específicos de xestión destas.
2. Impulso a proxectos novidosos e exemplares para a posta en marcha das primeiras Uxfor.

Apoio á diversificación dos produtos forestais e promoción da valorización integral do monte, para acadar a mellora das rendas rurais e desenvolver a multifuncionalidade do monte. Desenvolverase a través das seguintes actuacións:

1. Inversións en montes de xestión pública para apoio á diversificación dos produtos forestais, coma exemplo e estímulo para os demais montes galegos.
2. Xestión dunha liña de axudas para a promoción da valorización integral do monte, a diversificación e a xestión forestal sostible, mediante proxectos mixtos de valorización integral que compatibilicen os aproveitamentos agroforestais cunha diversificación cara o turismo, as actividades socio culturais e de lecer ou a formación.

As actuacións anteriores reforzanse co desenvolvemento de liñas de acción para a mellora do coñecemento do sector forestal, a través da formación ao sector, concienciación e divulgación, coas seguintes accións:

1. Estudos e asistencia técnica de valorización do monte para a actualización dos coñecementos acerca das distintas posibilidades de xestión multifuncional dos montes é unha das claves

- a desenvolver para acadar unha mellora e diversificación das rendas rurais.
2. Desenvolvemento de estudos para a mellora dos coñecementos no camiño dunha xestión forestal sostible e multifuncional, que promovan a diversificación dos produtos agroforestais e a posibilidade de valorización dos residuos forestais.
 3. Establecemento de experiencias piloto e campos de demostración co dobre obxectivo de acadar novas técnicas e produtos, así como a información xeral do sector.
 4. Programas de formación, concienciación, sensibilización para a xestión forestal sostible e o achegamento á sociedade e ao mundo rural dos aspectos destacados do programa, especialmente en canto a sostibilidade, multifuncionalidade e os distintos modelos de xestión agroforestal para a diversificación de produtos e rendas.
 5. Creación e mellora de centros de interpretación do medio forestal.

2. ÓRGANOS ENCARGADOS DA SÚA XESTIÓN

Dirección Xeral de Producción Agropecuaria

Dirección Xeral de Desenvolvemento Rural

III.1.13. PROGRAMA 713B - ORDENACIÓN DAS PRODUCIÓNS FORESTAIS:

1. DESCRICIÓN DO PROGRAMA

O desenvolvemento deste programa manterá as liñas de investimento que máis inciden directamente nos axentes involucrados na xestión forestal e na súa base territorial, co fin de garantir a competitividade e viabilidade das empresas forestais, moi vencelladas ao mantemento da poboación activa rural. Deste xeito, e seguindo as directrices e investimentos previstos no PDR de Galicia, os orzamentos deste programa priorízanse nas seguintes grandes liñas de actuación:

- Fomento das producións forestais, fundamentalmente dirixido, por unha banda, á silvicultura, traballo forestal que máis emprego xera no rural, ao tempo que garante a calidade e a cantidade das producións do noso monte; e, por outra, á forestación de terras, moi demanda polo sector forestal no seu conxunto e, principalmente, polos propietarios, traballo que, ademais, contribúe de xeito moi notable á fixación de CO₂ e, polo tanto, á consecución dos obxectivos fixados polo Protocolo de Kioto.

- Mellora da saúde e conservación dos recursos do patrimonio forestal galego: manterase o esforzo no seguimento da rede galega de sanidade forestal, para a que desapareceron as axudas procedentes da Unión Europea e, especialmente, desenvolveranse as liñas e plans específicos postos en marcha por este goberno que atinxen, por unha banda, ao estado fitosanitario de especies forestais moi importantes para o monte galego, como o carballo, o eucalipto, o piñeiro ou o castiñeiro; e, por outra banda, o aspecto non menos importante, da conservación e mellora dos recursos xenéticos forestais galegos.

- Mellora da sostibilidade da xestión forestal e da estrutura produtiva.

Non obstante o actual rigor do marco socio económico, é vontade da Xunta abordar e dar solucións de futuro aos problemas estruturais que están a poñer en perigo a viabilidade futura dun sector estratéxico para Galicia como é o forestal. Nese sentido, instrumentarase e promoverase unha figura básica para a competitividade do sector forestal en Galicia, hai tempo demandada, como é as Sociedades de Fomento Forestal (SOFOR).

2. ÓRGANOS ENCARGADOS DA SÚA XESTIÓN

Dirección Xeral Montes

III.1.14. PROGRAMA 713C - IMPLANTACIÓN DE SISTEMAS PRODUTIVOS AGRARIOS SUSTENTABLES:

1. DESCRICIÓN DO PROGRAMA

A través deste programa búscase o fomento dos sistemas agrarios sustentables, compatíbeis co entorno e produtores de alimentos sans e de calidade co mínimo impacto no medio ambiente. As producións tradicionais-artesanais e a potenciación da agricultura ecolóxica, modelos de produción tradicional en Galicia ata mediados do século pasado, deben ser postas de novo en primeiro plano como alternativas sustentables e de alto valor engadido cun mercado en expansión e unha demanda en aumento.

Apoiarase ás agrupacións de agricultura ecolóxica para estruturar este sector e cooperar no seu desenvolvemento. Partindo da situación actual, potenciarase tamén a Producción Integrada como paso intermedio, tendo en conta a importante redución no uso de fitosanitarios, a utilización de produtos biorracionais, a diminución e mellor uso do abonado, o control dos residuos e, en todo caso, unha mellor relación co medio e unhas producións máis sans e menos contaminantes. Estes beneficios xustifican en si mesmos o paso do modelo de produción actual a unha agricultura máis sustentable aínda nos sistemas máis intensivos.

A potenciación das producións complementarias e/ou alternativas é básica para apoiar a diversificación das actividades agropecuarias. Deberanse desenvolver axustándose ás potencialidades particulares das distintas áreas e aos novos métodos de produción integrada e ciclos produtivos integrais, apostando polos produtos diferenciados asociados á imaxe de calidade e coidando as transformacións industriais e as canles de distribución e comercialización.

A investigación agronómica e de mercado é un elemento esencial neste ámbito. Esta estratexia propiciará unha revalorización dos produtos a través dunha política de defensa da calidade, non só organoléptica, senón de salubridade, ademais de diferenciar e tipificar os devanditos produtos e as súas zonas naturais de produción.

Actividades:

1. Incremento do valor engadido das producións agrícolas e a súa calidade mediante a recuperación de variedades, castes e especies autóctonas. Divulgación dos resultados de ensaios realizados con estas variedades.
2. Programa de recuperación, conservación e fomento de recursos zootécnicos autóctonos e a súa valorización nas producións ecolóxicas e de calidade e no aproveitamento de superficies infrautilizadas. O programa desenvolverase coa colaboración das entidades de criadores en dúas vertentes: programa de consolidación e diversificación xenética da raza rubia galega; e programa de conservación e recuperación das razas autóctonas galegas en perigo de extinción.
3. Plan de fomento do sector equino.
4. Plan de fomento do porcino extensivo.
5. Potenciación da produción propia de sementes e plantas de viveiro garantidas (forraxeiras, millo e trigos) e ampliación a outras especies das que temos gran consumo e pouca produción, como é o caso da pataca.
6. Programas de aseguramento da calidade e a rastrexabilidade da produción leiteira, Vincularanse as actuacións en materia de calidade coa utilización eficiente da ferramenta Letra Q, co obxectivo inequívoco de mellorar a rendibilidade das explotacións participantes no programa e de transmitirle ao consumidor final a garantía de calidade que demanda.
7. Medidas de reestruturación dos viñedos para agricultores que desexen substituír variedades non preferentes por variedades autóctonas recomendadas, así como para renovar os seus viñedos envellecidos ou mudar o marco de plantación e os sistemas de condución, mellorando a súa calidade e rendibilidade.
8. Plan de renovación de maquinaria agrícola, cos obxectivos de mellorar a eficiencia enerxética para conseguir a cota de aforro de carburantes asignada ao sector agrario, de reducir as emisións contaminantes á atmosfera e a de rebaixar os índices de sinistralidade nas actividades agrícolas e forestais.
9. Fomento da contratación dos seguros agrarios coa finalidade de que os agricultores e gandeiros poidan beneficiarse das vantaxes dos seguros como un instrumento que lles permita afrontar as perdas económicas que poidan ter nas súas producións como consecuencia da actuación de axentes alleos como a climatoloxía ou as pragas e enfermidades. Inclúe a liña de seguros destinada a cubrir os gastos de recollida e destrución de animais mortos nas explotacións.
10. Mellora da calidade xenética do frísón galego, a través da colaboración coas asociacións de produtores na realización dos programas de control e mellora e na divulgación dos resultados e avances.
11. Implantación das novas tecnoloxías da información nas explotacións para mellorar a sanidade, a calidade e a rastrexabilidade completa das producións.
12. Incorporación de medidas de respecto ao medio ambiente mediante accións encamiñadas

á utilización correcta dos residuos das explotacións -xurros, compost- que permitan ademais unha redución dos gastos e a posibilidade de acceso a axudas pola súa aplicación.

13. Ordenación dos aproveitamentos gandeiros das superficies de montes comunais potenciando a utilización das razas gandeiras autóctonas.
14. Ensaio agronómico de avaliación de variedades.

2. ÓRGANOS ENCARGADOS DA SÚA XESTIÓN

Dirección Xeral de Producción Agropecuaria

III.1.15. PROGRAMA 713D - MELLORA DA CALIDADE NA PRODUCCIÓN AGROALIMENTARIA:

1. DESCRICIÓN DO PROGRAMA

Galicia conta cun sector agrario produtor de materias primas de alta calidade, de prestixio nos mercados, pero con importantes déficits estruturais e nos que se integran numerosas empresas de pequeno tamaño, o que lles dificulta a súa adaptación aos novos requirimentos. Na actual conxuntura de mercado, a certificación da calidade e a diferenciación ante os consumidores dos produtos agroalimentarios e forestais que teñan unhas características obxectivas de calidade, constitúen unha estratexia fundamental para a subsistencia duns sectores agrario, gandeiro e forestal.

O acceso aos mercados nacionais e internacionais de forma competitiva é unha condición necesaria para garantir a viabilidade económica e social das producións agrarias. Para iso cómpre desenvolver actuacións de ordenación das producións, apoio á comercialización, promoción dos produtos agrarios e agroalimentarios galegos, e de mellora e modernización das industrias e dos mercados agrarios.

Entre os obxectivos deste programa está o fomento de medidas e liñas de actuación que se dirixan cara a modernización e dimensionamento dunha industria da primeira transformación de madeira e en especial o sector do aserrío, asentado no rural e peza clave para o seu dinamismo e fixación de emprego, sector que necesita dunha liña clara de innovación e incorporación de tecnoloxía que consolide o liderado da industria galega a nivel estatal.

O sistema de protección dos produtos de calidade a través de denominacións de orixe e indicacións xeográficas protexidas, e doutras figuras de protección da calidade como os produtos da artesanía alimentaria, a agricultura ecolóxica ou a produción integrada obriga a que estes produtos se elaboren e transformen na súa área tradicional de procedencia, case sempre zonas rurais, co que o valor engadido xerado queda nese territorio. Estas producións, ademais, melloran as rendas obtidas xa que estes produtos adoitan acadar mellores prezos no mercado.

Os consellos reguladores son os encargados de velar polo prestixio das denominacións

xeográficas de calidade e polo cumprimento das súas disposicións normativas e de aplicar, de ser o caso, os sistemas de control necesarios para garantir a calidade e a orixe dos produtos certificados. A elaboración de produtos diferenciados permite viabilizar as pequenas producións, moitas delas artesanais, que doutra forma terían difícil acceso ao mercado.

A meirande parte dos indicativos de calidade afectan a territorios do rural con importantes problemas de despoboamento. Por iso, a potenciación das denominacións de calidade incide directamente na fixación da poboación destas zonas na medida en que favorece a actividade económica e o mantemento e xeración de emprego nesas áreas.

Actividades:

1. Axuda a investimentos de mellora da industrialización e comercialización de produtos agrarios.
2. Fomento da modernización e dimensionamento da industria de primeira transformación de madeira.
3. Realización de actividades de información e promoción de produtos agroalimentarios galegos con calidade diferenciada.
4. Apoio aos investimentos no control e a mellora da calidade dos produtos agrarios.
5. Apoio á mellora dos mercados agrarios.
6. Apoio ás entidades asociativas para a mellora da comercialización das súas producións.
7. Organización, apoio e participación en feiras e certames comerciais do sector agroalimentario.
8. Preparación, organización e execución de xornadas técnicas e estudos sobre a comercialización dos produtos agrarios e agroalimentarios galegos.
9. Apoio financeiro ao funcionamento dos consellos reguladores e órganos reitores das denominacións de calidade (denominacións de orixe, denominacións específicas, e denominacións xenéricas).

2. ÓRGANOS ENCARGADOS DA SÚA XESTIÓN

Dirección Xeral de Innovación e Industrias Agrarias e Forestais

III.1.16. PROGRAMA 713E - BENESTAR ANIMAL E SANIDADE VEXETAL:

1. DESCRICIÓN DO PROGRAMA

O consumidor esixe unha produción alimentaria de calidade, respectuosa co medio ambiente e co benestar animal, e suxeita a un sistema de control e trazabilidade. A Unión Europea está a trasladar esta demanda dos cidadáns á lexislación comunitaria en todas as súas vertentes -produtivas, sanitarias, económicas, ambientais e sociais-, de tal xeito que os requirimentos en materia de seguridade alimentaria se coverten en referencias de obrigado cumprimento. Por

outra parte, a sanidade animal non só apuntala a seguridade alimentaria, senón que resulta un elemento básico tanto na defensa da saúde pública como na rendibilidade das producións gandeiras.

Co gallo de obter alimentos seguros, protexer a saúde pública fronte a enfermidades zoonóticas e promocionar un sistema agrario sustentable, cómpre garantir un nivel axeitado de protección da sanidade animal, entendida amplamente (identificación de explotacións e animais, programas de control e erradicación de enfermidades, etc.) e da cadea alimentaria (resíduos, hixiene da produción primaria, calidade do leite cru, xestión de subprodutos, pensos, etc.).

Un dos principios nos que se basea a política da UE é que non se deben causar aos animais danos ou sufrimentos innecesarios. Isto desenvólvese nunhas normas sobre o benestar dos animais que establecen as condicións nas que se poden criar as galiñas, os porcos e as vacas, e nas que se poden transportar e sacrificar estes animais.

O programa trata de incrementar a rendibilidade das explotacións mediante a loita contra os axentes nocivos, o control da calidade e a seguridade alimentaria das producións, e reducindo ao mínimo o seu impacto no medio de tal xeito que sexan debidamente tratados os residuos e garántese unha calidade sanitaria para o consumidor. Sendo o subsector gandeiro o primeiro aporte á produción final agraria galega, razóns de tipo socioeconómico e sanitario obrigan a poñer en marcha programas que permitan diminuír as perdas económicas causadas polas enfermidades animais, protexendo a saúde pública e evitando a transmisión destas enfermidades, tanto ás persoas que conviven cos animais como ao consumidor dos produtos de orixe animal. O obxectivo final é acreditar o estado sanitario da totalidade da cabana de vacún, ovino e cabrún e a extensión dos programas sanitarios ao porcino, aves, sector apícola e visóns.

Os programas de loita e prevención de pragas e enfermidades vexetais son outra acción que se desenvolve dende hai anos nesta Dirección xeral de Producción Agropecuaria. A prevención das pragas vexetais por medio das campañas de prospección obrigatoria e a loita contra pragas coa destrución do material vexetal afectado, constitúen, xunto coas medidas de protección, o primeiro grupo de accións neste punto. Apoiarase ademais ás agrupacións de produtores para obter servizos de asesoramento na evolución cara a sistemas agrarios sustentables na mellora da sanidade dos seus cultivos e no cumprimento e certificación dos estándares existentes.

A inspección técnica de maquinaria agrícola é unha nova acción a realizar, con fin de acadar unha aplicación máis eficiente dos produtos fitosanitarios, reducindo o volume dos tratamentos empregados e limitando o impacto no medio e os residuos xerados.

Actividades:

- I. Execución de programas obrigatorios de erradicación, loita e control de enfermidades animais (tuberculose e brucelose bovina) que teñen como base a normativa estatal enmarcada en programas para cada estado aprobados pola Unión Europea. Estes programas permitiron diminuír a incidencia destas enfermidades a uns límites que xa están próximos a valores de erradicacións. Así, contamos cun elevado número de explotacións libres desas enfermidades

é o punto de partida para formular outros programas sanitarios e, o que é máis importante, contarmos con animais sans permítenos aplicar programas de mellora produtiva a través dos que se optimicen os recursos naturais dispoñíbeis para a súa alimentación.

2. Programa de erradicación da brucelose ovina cabrúa, que conseguiu índices de prevalencia da enfermidade que indican un horizonte cercano á erradicación oficial.
3. Programas de vixilancia, control e erradicación das encefalopatías esponxiformes transmisibles (EETs): EEB, Scrapie: neste proxecto de loita e control sanitario das encefalopatías inclúense os gastos derivados das labores de diagnóstico -para garantir que se descarta a presenza da enfermidade en cada canal que é liberada ao consumo-, do aseguramento da calidade inspectora nas explotacións gandeiras, e das axudas ao sector por sacrificio e destrución de animais e os seus produtos.
4. Plan sanitario do sector porcino: o programa de control e erradicación da enfermidade de Aujeszky terá unha especial incidencia no sector, por canto a consolidación do vixente estatuto de zona libre coa erradicación oficial, suporía unha notable mellora nas condicións de produción e comercialización.
5. Plan sanitario avícola: plan de control e erradicación de salmoneloses aviáres, plan de control da influenza aviar.
6. Programa de loita contra as enfermidades apícolas: enmarcado no programa nacional de axudas á apicultura desenvolvido mediante un Real decreto estatal en aplicación do previsto no correspondente regulamento comunitario que recolle as distintas liñas de axuda a este sector cofinanciadas con fondos FEAGA.
7. Programa de vixilancia e erradicación da lingua azul.
8. Programas sanitarios facultativos: impulso, adaptación normativa e consolidación das agrupacións de defensa sanitaria gandeira en Galicia (ADSG) co obxecto de acadar niveis sanitarios superiores aos esixidos polos programas obrigatorios.
9. Programa de control oficial de etiquetado da carne de vacún, que por medio de actuacións na fase de produción vai garantir o correcto funcionamento do sistema de información -rastrexabilidade- na cadea alimentaria.
10. Plans de control da aplicación da normativa de benestar dos animais.
11. Implementación da estrutura e medios necesarios nos servizos veterinarios oficiais para optimizar os procedementos de inspección e afrontar situacións de alertas sanitarias.
12. Control da seguridade alimentaria das producións gandeiras mediante o mantemento dos programas actuais de alimentación animal, PNIR, medicamento veterinario, control de subprodutos de orixe animal, inspección da calidade do leite cru nas explotacións, e a aplicación da normativa europea de hixiene.
13. Estruturación dentro dos servizos veterinarios oficiais dunha Rede de Epidemio-Vixilancia que poña en valor a información dos programas sanitarios en funcionamento e que reduza o tempo que os produtores adican á cumprimentación de rexistros e declaracións oficiais.
14. Adaptación das explotacións ás novas normas comunitarias de sanidade animal e de rastrexabilidade das producións.

15. Implantación de medidas para o control dos patóxenos dos vexetais por medios respectuosos co ambiente a través de agrupacións de defensa fitosanitaria e aplicación de medidas de forma racional mediante o control preventivo a través das estacións de avisos.
16. Desenvolvemento da Oficina Agraria Virtual, como medio prioritario de simplificación e axilización das relacións coa Administración. O crecente desenvolvemento tecnolóxico xunto coa evolución da estrutura socio económica do subsector gandeiro esixe da administración a optimización dos sistemas de xestión e relación cos administrados. A elección das canles web como vehículo de transmisión e recepción de información é unha obriga a afrontar no futuro inmediato, que alén da disposición dos medios esixe da administración a adopción de novos procedementos de traballo máis eficaces e eficientes.
17. Medidas para o fomento de métodos de produción compatibles co medio ambiente, como a agricultura e gandería ecolóxica, coa protección do consumidor e co obxectivo de facilitar o mantemento das rendas dos produtores, asegurando a conservación do espazo natural. Para isto cómpre o desenvolvemento dun marco normativo que favoreza a obtención dun produto de calidade sanitaria diferenciada en zonas determinadas (etiqueta de control de calidade de "produción integrada" ou "agricultura ecolóxica").
18. Potenciación de servizos de asesoramento técnico na xestión das actividades máis especializadas dos cultivos (control de patóxenos, fertilización, poda, etc.).
19. Realización de programas de loita e prevención de pragas e enfermidades vexetais: campañas de prospección obrigatoria, indemnizacións por destrución de material vexetal.
20. Programa de inspección de maquinaria agrícola e mantemento das unidades de inspección de maquinaria de aplicación de fitosanitarios.
21. Reforzo da protección de cultivos vexetais a través de programas integrados de loita, comezando por xerar unha infraestrutura, tanto de innovación técnica coma humana, capaz de establecer un sistema de predición do potencial de risco da epidemioloxía das posibles pragas e enfermidades dos cultivos de Galicia, para poder garantir o control eficaz e unha correcta utilización das distintas técnicas de loita, especialmente no coidado da utilización de fitofármacos para evitar problemas de contaminación ambiental e eliminar os posibles residuos derivados dun emprego incontrolado. Tamén evitar a entrada de organismos nocivos (de corentena) respecto dos que Galicia está exenta.

2. ÓRGANOS ENCARGADOS DA SÚA XESTIÓN

Dirección Xeral de Producción Agropecuaria.

III.1.17. PROGRAMA 713F - REGULACIÓN DAS PRODUCIÓNS AGRARIAS E APOIO Á RENDA DOS AGRICULTORES:

1. DESCRICIÓN DO PROGRAMA

O programa 713F ten por obxecto a realización das accións previstas nos diversos réximes de apoio á renda establecidos na política agraria común (PAC), no novo marco definido pola

aplicación da reforma da PAC aprobada en 2003.

Introdúcese así un réxime de pagamento único por explotación como axuda disociada á renda de cada explotación e, por tanto, facendo depender o pagamento íntegro ao respecto dos requisitos básicos en materia de medio ambiente, seguridade alimentaria, saúde e benestar dos animais, así como do mantemento da explotación en boas condicións agrarias e medioambientais.

Non obstante, outras accións mantéñense ligadas á produción e conservan, por tanto, unha vinculación parcial entre as axudas e a produción.

Actividades:

1. Pagamentos desligados correspondentes ao réxime de pagamento único, para os agricultores que sexan titulares de dereitos correspondentes ao dito réxime, de acordo coa asignación definitiva de dereitos de axuda.
2. Pagamentos ligados á produción no sector do vacún primas aos produtores de vacas nutrices.
3. Pagamentos específicos por hectárea aos produtores de proteaxinosas.
4. Pagamentos adicionais aos produtores, nos sectores de gando vacún de carne e de leite.
5. A concesión dunha axuda para a subministración aos alumnos de centros escolares de leite e determinados produtos lácteos transformados, e de froitas e verduras.
6. Apoiar á sociedade instrumental do organismo, dotándoa dos medios necesarios para o cumprimento da finalidade que teña encomendada.

2. ÓRGANOS ENCARGADOS DA SÚA XESTIÓN

Fondo Galego de Garantía Agraria

III.1.18. PROGRAMA 741A - MODERNIZACIÓN, INTERNACIONALIZACIÓN E MELLORA DA COMPETITIVIDADE, INNOVACIÓN E PRODUTIVIDADE EMPRESARIAL:

1. DESCRICIÓN DO PROGRAMA

O noso país é produtor de moi boas materias primas, pero ten aínda un déficit histórico en canto ao desenvolvemento da súa industria alimentaria e aos procesos de comercialización e promoción dos seus produtos transformados. Ademais, a demanda dos consumidores encamiñase cara a produtos agroalimentarios transformados e de calidade. Polo que o impulso e apoio á

nosa agroindustria convértese nun obxectivo estratéxico para acadar un maior desenvolvemento do medio rural galego.

As industrias de transformación e comercialización de produtos agrarios acrecentan o valor das producións agrarias, deixando o valor engadido nas propias zonas rurais, xerando un importante número de postos de traballo, mantendo no rural á poboación xove e activa, afianzando a viabilidade das explotacións e afortando o tecido económico destas áreas.

Por todo isto, cómpre apoiar con carácter xeral aos procesos de transformación e comercialización dos produtos agrarios e, en particular, aqueles que garanten un beneficio directo aos produtores de base galegos.

Actividades:

1. Apoio á creación de novas industrias agrarias, fomentando os investimentos que teñan un beneficio para os produtores galegos así como aqueles que teñan por obxecto a incorporación de innovacións e melloras tecnolóxicas, prioritariamente en zonas con procesos de despoboamento e zonas desfavorecidas, co obxecto de crear emprego e potenciar os sectores da industria e os servizos.
2. Axudas ás empresas para a promoción e mellora da comercialización dos produtos agrarios e agroalimentarios galegos.
3. Axuda aos investimentos realizados por empresas de base asociativa para que reverta nos propios produtores o valor engadido que achega a transformación industrial agroalimentaria.
4. Investimentos dirixidos á obtención de produtos ecolóxicos.
5. Apoio aos investimentos encamiñados a unha mellora da competitividade das industrias agroalimentarias xa existentes, favorecendo a mellora da calidade, a diversificación produtiva e o valor engadido das producións, e primando a aquelas industrias que establezan contratos estables cos produtores galegos.
6. Apoio á participación do sector produtor na transformación e comercialización de produtos agrarios.

2. ÓRGANOS ENCARGADOS DA SÚA XESTIÓN

Dirección Xeral de Innovación e Industrias Agrarias e Forestais

IV. CADRO DE OBXECTIVOS POR PROGRAMA

OBXECTIVOS DE PROGRAMA

Progr.	Obxectivos Extratécnicos	Indicador	Unid. Med.	Valor Final
	Obxectivos Operativos			
422L CAPACITACIÓN E EXTENSIÓN AGROFORESTAL				
	Soporte xeral - Garantir o acceso a educación e a cultura en condicións de igualdade no marco dun ensino de calidade para unha Galicia formada, innovadora e trilingüe			
	Soporte xeral - Garantir o acceso a educación e a cultura en condicións de igualdade no marco dun ensino de calidade para unha Galicia formada, innovadora e trilingüe	Sen indicador		
422M ENSINANZA SECUNDARIA E FORMACIÓN PROFESIONAL				
	Garantir a continuidade nos estudos e a incorporación ao mercado laboral			
	Medidas para favorecer o acceso das persoas adultas á formación ao longo da vida	Adultos en actividades formac profesiona	Nº	500,00
	Actualización e formación continuada dos profesionais do ensino			
	Actuacións do Plan de Formación do profesorado de ensinanza non universitarias	Profesores asistentes	Nº	120,00
	Mellorar as dotacións e as infraestruturas do ensino público			
	Dotación de recursos aos centros públicos para o seu funcionamento	Alumnos e centros beneficiados (Obxectivo)	Nº	350,00
541B CONSERVACIÓN DA BIODIVERSIDADE E POSTA EN VALOR DO MEDIO NATURAL				
	Ordenación do territorio e política medioambiental para a posta en valor da natureza e a paisaxe			
	Protección, conservación, restauración e mellora dos recursos naturais situados na Rede Galega de Espazos Naturais Protexidos (Reserva Natural, Parque Natural, Parque Nacional, Monumento Natural, Humedal Protexido, Paisaxe Protexida e ZEPVN).	Inversión na recuperación hábitats e terreo	Euros	3.000.000,00
	Soporte xeral - Convertir o contorno natural nun factor positivo para o desenvolvemento de Galicia e unha mellora da calidade de vida			
	Soporte xeral - Convertir o contorno natural nun factor positivo para o desenvolvemento de Galicia e unha mellora da calidade de vida	Sen indicador		
551A INFRAESTRUTURAS E EQUIPAMENTOS NO MEDIO RURAL				
	Diversificación de actuacións económicas nas zonas interiores de Galicia, establecendo mecanismos de discriminación positiva a favor das zonas desfavorecidas, na liña dos Plans Impulsa Lugo, Impulsa Ourense e Ferrolterra e Comarca de Ortegal			
	Accións de reordenación das estruturas agrarias mediante procesos de concentración parcelaria	Zonas de Concentrac Parcelaria c/ actuac	Nº	48,00
551B ACCIÓNS PREVENTIVAS E INFRAESTRUTURA FORESTAL				
	Aumento da produtividade forestal e fomento da xestión forestal sostible. Investigación forestal e transferencia tecnolóxica			
	Axudas para accións preventivas fronte aos incendios forestais.	Accións desenvolvidas	Nº	2,00
	Prevención e defensa contra os incendios forestais.	Cumprimento cos obxetivos de eficacia do	%	100,00
	Soporte xeral - Potenciar a competitividade dos sectores estratéxicos mediante a política de clústeres e o fomento da innovación e cooperación empresarial			
	Soporte xeral - Potenciar a competitividade dos sectores estratéxicos mediante a política de clústeres e o fomento da innovación e cooperación empresarial	Sen indicador		
561A PLAN GALEGO DE INVESTIGACIÓN, DESENVOLVEMENTO E INNOVACIÓN TECNOLÓXICA				
	Fomento da I+D+i empresarial e da investigación aplicada priorizando as iniciativas de cooperación empresarial			
	Desenvolvemento de novos produtos	Novos produtos en desenvolvemento	Nº	35,00
	Financiamento de proxectos de investigación industrial, desenvolvemento experimental e innovación realizados por empresas galegas	Proxectos:350/ano. Importe:40000000e/ano	Nº	12,00
	Soporte xeral - Construír unha sociedade competitiva baseándose na Investigación e o desenvolvemento tecnolóxico e a innovación empresarial, como garantía de crecemento			
	Soporte xeral - Construír unha sociedade competitiva baseándose na Investigación e o desenvolvemento tecnolóxico e a innovación empresarial, como garantía de crecemento	Sen indicador		
581A ELABORACIÓN E DIFUSIÓN ESTATÍSTICA				
	Creación, organización e difusión do coñecemento estatístico			
	Cumprir e coordinar o Programa estatístico anual	Operacións e actividades estatísticas de	%	100,00
711A DIRECCIÓN E SERVIZOS XERAIS DO MEDIO RURAL				

OBXECTIVOS DE PROGRAMA

Soporte xeral - Potenciar a competitividade dos sectores estratéxicos mediante a política de clústeres e o fomento da innovación e cooperación empresarial			
Soporte xeral - Potenciar a competitividade dos sectores estratéxicos mediante a política de clústeres e o fomento da innovación e cooperación empresarial	Sen indicador		
712A FIXACIÓN DE POBOACIÓN NO MEDIO RURAL			
Fixación da poboación e a súa distribución máis eficiente, diminuindo a súa dispersión			
Execución de estratexias de desenvolvemento local a través dos Grupos de desenvolvemento rural (enfoque de abaixo cara arriba). Mellora das infraestruturas e servizos básicos para a poboación que vive no medio rural.	Proxectos no medio rural para mellora ca	Nº	450,00
Fixación da poboación e a súa distribución máis eficiente, diminuindo a súa dispersión	Proxectos renovac e desenv poboac rural	Nº	20,00
Diversificación de actuacións económicas nas zonas interiores de Galicia, establecendo mecanismos de discriminación positiva a favor das zonas desfavorecidas, na liña dos Plans Impulsa Lugo, Impulsa Ourense e Ferrolterra e Comarca de Ortegal			
Accións de contribución a valorización do medio rural.	Empresas creadas nas áreas de desenvolve	Nº	250,00
Apoio a proxectos de diversificación de actividades non agrarias	Proxectos para diversific a activ non ag	Nº	4,00
Impulsar os proxectos dinamizadores das áreas rurais de Galicia, diversificando as actividades económicas sostibles.	Actuacións de dinamización territorial	Nº	266,00
712B MODERNIZACIÓN E DIVERSIFICACIÓN DO TECIDO PRODUTIVO RURAL			
Impulso do sector agrogandeiro e do campo industria apoiando as explotacións sostibles e respetuosas medioambientalmente			
Favorecer a competitividade e redimensionamento das explotación agrogandeiras a través da mobilidade de terras incultas ou improdutivas.	Explotacións melloradas e ha mobilizadas	Nº	5.000,00
Axudas para fomentar a contratación de seguros agrarios	Explotacións aseguradas	Nº	50.000,00
Soporte xeral - Potenciar a competitividade dos sectores estratéxicos mediante a política de clústeres e o fomento da innovación e cooperación empresarial			
Soporte xeral - Potenciar a competitividade dos sectores estratéxicos mediante a política de clústeres e o fomento da innovación e cooperación empresarial	Sen indicador		
712C FOMENTO DO ASOCIACIONISMO AGRARIO E DIVULGACIÓN DA TECNOLOXÍA AGRARIA			
Impulso do sector agrogandeiro e do campo industria apoiando as explotacións sostibles e respetuosas medioambientalmente			
Favorecer a competitividade e redimensionamento das explotación agrogandeiras a través da mobilidade de terras incultas ou improdutivas.	Explotacións melloradas e ha mobilizadas	Nº	1.000,00
Fomentar o asociacionismo agrario	Entidades beneficiadas	Nº	100,00
713A MOBILIDADE DE TERRAS AGRARIAS IMPRODUTIVAS			
Impulso do sector agrogandeiro e do campo industria apoiando as explotacións sostibles e respetuosas medioambientalmente			
Favorecer a competitividade e redimensionamento das explotación agrogandeiras a través da mobilidade de terras incultas ou improdutivas.	Explotacións melloradas e ha mobilizadas	Nº	500,00
Soporte xeral - Potenciar a competitividade dos sectores estratéxicos mediante a política de clústeres e o fomento da innovación e cooperación empresarial			
Soporte xeral - Potenciar a competitividade dos sectores estratéxicos mediante a política de clústeres e o fomento da innovación e cooperación empresarial	Sen indicador		
713B ORDENACIÓN DAS PRODUCCIÓN FORESTAIS			
Estruturação do sector forestal primario. Posta en marcha de sociedades de fomento forestal			
Potenciar a constitución e a ordenación forestal das Sociedades de Fomento Forestal, impulsando a concentración privada forestal.	Sociedades de Fomento Forestal inscritas	Nº	20,00
Aumento da produtividade forestal e fomento da xestión forestal sostible. Investigación forestal e transferencia tecnolóxica			
Accións silvícolas de mellora das superficies arboradas.	Superficie mellorada silvícolamente	Ha	7.000,00
Soporte xeral - Potenciar a competitividade dos sectores estratéxicos mediante a política de clústeres e o fomento da innovación e cooperación empresarial			
Soporte xeral - Potenciar a competitividade dos sectores estratéxicos mediante a política de clústeres e o fomento da innovación e cooperación empresarial	Sen indicador		
713C IMPLANTACIÓN DE SISTEMAS PRODUTIVOS AGRARIOS SUSTENTABLES			
Impulso do sector agrogandeiro e do campo industria apoiando as explotacións sostibles e respetuosas medioambientalmente			
Control do rendemento leiteiro.	Producción láctea en control de rendement	%	60,00
Ensaio de variedades vexetais e conservación de recursos xenéticos	Ensaos	Nº	100,00

OBXECTIVOS DE PROGRAMA

Favorecer a competitividade e redimensionamento das explotacións agrogandeiras a través da mobilidade de terras incultas ou improdutivas. Reestruturación dos sistemas produtivos do viñado Soporte xeral - Potenciar a competitividade dos sectores estratéxicos mediante a política de clústeres e o fomento da innovación e cooperación empresarial Soporte xeral - Potenciar a competitividade dos sectores estratéxicos mediante a política de clústeres e o fomento da innovación e cooperación empresarial	Explotacións melloradas e ha mobilizadas Nº 300,00 Valor engadido bruto da agroindustria Euros 6.000,00 Sen indicador
713D MELLORA DA CALIDADE NA PRODUCCIÓN AGROALIMENTARIA	
Fomento da calidade diferenciada no sector agroalimentario Galego. Denominación de orixe, indicación xeográfica protexida, marcas de calidade, selos de garantía e artesanía alimentaria. Posta en valor, desde o punto de vista produtivo, comercial e turístico Apoio á innovación e fomento da calidade diferenciada no ámbito agroalimentario. Apoio as agrupacións e consellos reguladores para actividades de promoción e comercialización de produtos de calidade. Soporte xeral - Potenciar a competitividade dos sectores estratéxicos mediante a política de clústeres e o fomento da innovación e cooperación empresarial Soporte xeral - Potenciar a competitividade dos sectores estratéxicos mediante a política de clústeres e o fomento da innovación e cooperación empresarial	Operadores acollidos á calidade diferenc Nº 25.000,00 Axudas KW 25,00 Sen indicador
713E BENESTAR ANIMAL E SANIDADE VEXETAL	
Impulso do sector agrogandeiro e do campo industria apoiando as explotacións sostibles e respetuosas medioambientalmente Plan apícola galego. Programas de ordenación dos medios de produción agrarios orientados á sanidade vexetal e ás producións minoritarias Soporte xeral - Potenciar a competitividade dos sectores estratéxicos mediante a política de clústeres e o fomento da innovación e cooperación empresarial Soporte xeral - Potenciar a competitividade dos sectores estratéxicos mediante a política de clústeres e o fomento da innovación e cooperación empresarial	Agricultores profesionais Nº 36,00 beneficiados Actuacións de ordenación dos medios de p Nº 1.000,00 Sen indicador
713F REGULACIÓN DAS PRODUCCIÓN AGRARIAS E APOIO Á RENDA DOS AGRICULTORES	
Soporte xeral - Potenciar a competitividade dos sectores estratéxicos mediante a política de clústeres e o fomento da innovación e cooperación empresarial	
Sen indicador	
741A APOIO Á MODERNIZACIÓN, INTERNACIONALIZACIÓN E MELLORA DA COMPETITIVIDADE, INNOVACIÓN E PRODUTIVIDADE EMPRESARIAL	
Mellorar as condicións de acceso das empresas galegas ao financiamento especialmente para proxectos novedosos e emprendedores a través das figuras do capital semente e capital risco Axudas de apoio á industrialización e comercialización e en materia de innovación, industria e comercio.	Investimento Privado Euros 25.000.000,00 inducido.

V. CADROS NUMÉRICOS

Orzamento consolidado. Distribución dos créditos por programas e servizos

Programas	Servizos			
	01	02	03	04
422L-Capacitación e extensión agroforestal				7.880
422M-Ensinanza secundaria e formación profesional				1.301
551A-Infraestruturas e equipamentos no medio rural			41.704	
561A-Plan galego de investigación, desenvolvemento e innovación tecnolóxica				9.861
581A-Elaboración e difusión estatística				112
711A-Dirección e servizos xerais do medio rural	34.006			
712A-Fixación de poboación no medio rural			29.207	
712B-Modernización e diversificación do tecido produtivo rural		41.071		
712C-Fomento do asociacionismo agrario e divulgación da tecnoloxía agraria		2.345		
713A-Mobilidade de terras agrarias improdutivas		900	1.268	
713C-Implantación de sistemas produtivos agrarios sustentables		6.320		
713D-Mellora da calidade na produción agroalimentaria				9.936
713E-Benestar animal e sanidade vexetal		52.607		1.180
741A-Apoio a modernización, internacionalización e mellora da competitividade, innovación e produtividade empresarial				19.576
Total	34.006	103.243	72.179	49.846

(Miles de Euros)

**Orzamento consolidado. Distribución dos créditos por programas
e servizos (continuación)**

Programas	Servizos			
	05	06	90	Total
422L-Capacitación e extensión agroforestal				7.880
422M-Ensinanza secundaria e formación profesional				1.301
541B-Conservación da biodiversidade e posta en valor do medio natural		27.630		27.630
551A-Infraestruturas e equipamentos no medio rural				41.704
551B-Accións preventivas e infraestrutura forestal	93.270			93.270
561A-Plan galego de investigación, desenvolvemento e innovación tecnolóxica	2.069			11.930
581A-Elaboración e difusión estatística				112
711A-Dirección e servizos xerais do medio rural				34.006
712A-Fixación de poboación no medio rural				29.207
712B-Modernización e diversificación do tecido produtivo rural			36.582	77.654
712C-Fomento do asociacionismo agrario e divulgación da tecnoloxía agraria				2.345
713A-Mobilidade de terras agrarias improdutivas				2.168
713B-Ordenación das producións forestais	51.197			51.197
713C-Implantación de sistemas produtivos agrarios sustentables				6.320
713D-Mellora da calidade na produción agroalimentaria				9.936
713E-Benestar animal e sanidade vexetal				53.787
713F-Regulacións das producións agrarias e apoio á renda dos agricultores			55.055	55.055
741A-Apoio a modernización, internacionalización e mellora da competitividade, innovación e produtividade empresarial				19.576
Total	146.536	27.630	91.638	525.079

(Miles de Euros)

Orzamento consolidado. Distribución dos créditos por programas e capítulos

Programas	Capítulos					
	I	II	IV	VI	VII	Total
422L-Capacitación e extensión agroforestal	5.175	722		1.882	100	7.880
422M-Ensinanza secundaria e formación profesional			380	922		1.301
541B-Conservación da biodiversidade e posta en valor do medio natural	14.434		243	10.830	2.123	27.630
551A-Infraestruturas e equipamentos no medio rural	5.514		3.126	32.713	350	41.704
551B-Accións preventivas e infraestrutura forestal	39.329			48.566	5.375	93.270
561A-Plan galego de investigación, desenvolvemento e innovación tecnolóxica	5.398		1.727	304	4.500	11.930
581A-Elaboración e difusión estatística				112		112
711A-Dirección e servizos xerais do medio rural	19.729	8.957	400	3.673	1.247	34.006
712A-Fixación de poboación no medio rural			2.355		26.853	29.207
712B-Modernización e diversificación do tecido produtivo rural			344	600	76.710	77.654
712C-Fomento do asociacionismo agrario e divulgación da tecnoloxía agraria			317		2.028	2.345
713A-Mobilidade de terras agrarias improdutivas			319	1.257	592	2.168
713B-Ordenación das producións forestais	23.540			12.287	15.370	51.197
713C-Implantación de sistemas produtivos agrarios sustentables		128		2.143	4.049	6.320
713D-Mellora da calidade na produción agroalimentaria	2.260	29	555	850	6.242	9.936
713E-Benestar animal e sanidade vexetal	29.926	638	400	19.054	3.769	53.787
713F-Regulacións das producións agrarias e apoio á renda dos agricultores	4.891	743	20	1.629	47.772	55.055
741A-Apoio a modernización, internacionalización e mellora da competitividade, innovación e produtividade empresarial					19.576	19.576
Total	150.197	11.217	10.185	136.823	216.656	525.079

(Miles de Euros)

DISTRIBUCIÓN ORGÁNICA

01 SECRETARÍA GENERAL	2010	2011	% Var.
Cap. I - Gastos de persoal	21.208	19.729	-7,0
Cap. II - Gastos en bens correntes e servizos	9.790	8.957	-8,5
Cap. IV - Transferencias correntes	777	400	-48,5
Cap. V - Fondo de continxencia	13	0	-100,0
Cap. VI - Investimentos reais	4.296	3.673	-14,5
Cap. VII - Transferencias de capital	1.425	1.247	-12,5
Total	37.509	34.006	-9,3

(Miles de Euros)

DISTRIBUCIÓN ORGÁNICA

02 D.X. DE PRODUCCIÓN AGROPECUARIA	2010	2011	% Var.
Cap. I - Gastos de persoal	31.229	28.746	-8,0
Cap. II - Gastos en bens correntes e servizos	767	767	0,0
Cap. IV - Transferencias correntes	1.469	1.061	-27,7
Cap. VI - Investimentos reais	28.697	22.697	-20,9
Cap. VII - Transferencias de capital	76.906	49.973	-35,0
Total	139.068	103.243	-25,8

(Miles de Euros)

03 D.X. DE DESENVOLVEMENTO RURAL	2010	2011	% Var.
Cap. I - Gastos de persoal	6.156	5.514	-10,4
Cap. IV - Transferencias correntes	8.471	5.800	-31,5
Cap. VI - Investimentos reais	77.027	33.071	-57,1
Cap. VII - Transferencias de capital	40.726	27.794	-31,8
Total	132.380	72.179	-45,5

(Miles de Euros)

04 D.X. DE INNOVACIÓN E INDUSTRIAS AGRARIAS	2010	2011	% Var.
Cap. I - Gastos de persoal	13.052	12.186	-6,6
Cap. II - Gastos en bens correntes e servizos	813	751	-7,6
Cap. IV - Transferencias correntes	3.548	2.633	-25,8
Cap. VI - Investimentos reais	6.301	3.858	-38,8
Cap. VII - Transferencias de capital	35.055	30.418	-13,2
Total	58.768	49.846	-15,2

(Miles de Euros)

05 D.X. DE MONTES	2010	2011	% Var.
Cap. I - Gastos de persoal	67.278	64.697	-3,8
Cap. IV - Transferencias correntes	55	29	-47,8
Cap. VI - Investimentos reais	75.684	61.065	-19,3
Cap. VII - Transferencias de capital	27.016	20.745	-23,2
Total	170.032	146.536	-13,8

(Miles de Euros)

06 D.X. DE CONSERVACIÓN DA NATUREZA	2010	2011	% Var.
Cap. I - Gastos de persoal	15.240	14.434	-5,3
Cap. IV - Transferencias correntes	759	243	-67,9
Cap. VI - Investimentos reais	14.376	10.830	-24,7
Cap. VII - Transferencias de capital	4.049	2.123	-47,6
Total	34.424	27.630	-19,7

(Miles de Euros)

DISTRIBUCIÓN ORGÁNICA

90 FONDO GALEGO DE GARANTÍA AGRARIA	2010	2011	% Var.
Cap. I - Gastos de persoal	4.871	4.891	0,4
Cap. II - Gastos en bens correntes e servizos	680	743	9,3
Cap. IV - Transferencias correntes	102	20	-80,3
Cap. VI - Investimentos reais	2.600	1.629	-37,3
Cap. VII - Transferencias de capital	81.064	84.354	4,1
Total	89.317	91.638	2,6

(Miles de Euros)

SERVIZOS	2010	2011	% Var.
01 SECRETARIA GENERAL	37.509	34.006	-9,3
02 D.X. DE PRODUCCIÓN AGROPECUARIA	139.068	103.243	-25,8
03 D.X. DE DESENVOLVEMENTO RURAL	132.380	72.179	-45,5
04 D.X. DE INNOVACIÓN E INDUSTRIAS AGRARIAS	58.768	49.846	-15,2
05 D.X. DE MONTES	170.032	146.536	-13,8
06 D.X. DE CONSERVACIÓN DA NATUREZA	34.424	27.630	-19,7
90 FONDO GALEGO DE GARANTÍA AGRARIA	89.317	91.638	2,6
Total	661.498	525.079	-20,6

(Miles de Euros)

Consellería, Organismos Autónomos e Axencia Pública

	Consellería		O.O.AA ou/e Axencias		Trans. Internas		Consolidado	
	2010	2011	2010	2011	2010	2011	2010	2011
Cap. I - Gastos de persoal	154.163	145.306	4.871	4.891	0	0	159.034	150.197
Cap. II - Gastos en bens correntes e servizos	11.370	10.474	680	743	0	0	12.050	11.217
Cap. IV - Transferencias correntes	20.670	15.789	102	20	5.593	5.624	15.179	10.185
OPERACIÓNS CORRENTES	186.202	171.570	5.653	5.654	5.593	5.624	186.262	171.600
Cap. V - Fondo de continxencia	13	0	0	0	0	0	13	0
Cap. VI - Investimentos reais	206.381	135.194	2.600	1.629	0	0	208.981	136.823
Cap. VII - Transferencias de capital	268.841	218.285	81.064	84.354	83.664	85.984	266.241	216.656
OPERACIÓNS DE CAPITAL	475.236	353.479	83.664	85.984	83.664	85.984	475.236	353.479
Total	661.438	525.049	89.317	91.638	89.257	91.608	661.498	525.079

(Miles de Euros)

Medios Persoais

Medio Rural	2011
Altos Cargos	7
Persoal Funcionario	2.219
Subgrupo A1	601
Subgrupo A2	449
Subgrupo C1	871
Subgrupo C2	278
Agrupacións profesionais	20
Persoal Laboral	2.411
Grupo I	127
Grupo II	32
Grupo III	343
Grupo IV	520
Grupo V	1.389
TOTAL	4637

Fondo Galego de Garantía Agraria	2011
Persoal Funcionario	113
Subgrupo A1	32
Subgrupo A2	40
Subgrupo C1	19
Subgrupo C2	20
Agrupacións profesionais	2
Persoal Laboral	24
Grupo I	1
Grupo II	6
Grupo III	5
Grupo IV	9
Grupo V	3
TOTAL	137

Sociedades Públicas, Fundacións e Consorcios

	2011	
Sociedades Mercantís	Capital	Explotación
Emp. Públ. de Servizos Agrarios Galegos	955	31.157
S.A. Xest. Banco de Terras de Galicia	575	839
Soc. para o Desenvolvemento Comarcal	462	5.719
Xenética Fontao	300	3.812
Entes Públicos	Capital	Explotación
Axen. Galega de Desenvolvemento Rural	26.852	3.127
Inst. Galego de Calidade Alimentaria	3.033	3.249
Fundacións	Capital	Explotación
Fund. Centro Tecnolóxico Da Carne	471	2.075

(Miles de Euros)

